

Badische Landesbibliothek Karlsruhe


Digitale Sammlung der Badischen Landesbibliothek Karlsruhe

Diogenes

Diogenes <Sinopensis>

Zürich, 1550

[urn:nbn:de:bsz:31-131250](https://nbn-resolving.org/urn:nbn:de:bsz:31-131250)



Ca 552

RH

42 A 1932, 23



⁺
Diogenes. 24

Ein Lustige vnnnd Kurzwyl
ge History von aller Leer vnnnd Leben
Diogenis Cynici des Heydni
schen Philosophi.



Getruckt zu Zürich / by Rodolff
Wyssenbach. M. D. L.

N. 3.

Ein Buch

Handwritten text, likely a title or description, appearing as bleed-through from the reverse side of the page.



Landesbibliothek
Karlsruhe

20

Vorred .

Siewol Diogenes Cynicus
sins hundsordes halb /
ouch von wägen etlicher
siner grober / wüster vnd
gemelter siner ordenn ge-
mäßer worten vnd wercken / by vilen dermaß
verschreyt ist / dz sy sinen vnd siner leer gar nit
wöllend hören gedencken / glych als ob in dero
nützlich rächts od lobwürdigs syg: so ist doch by
allen rächtsverstendigen die bescheidenheit / dz
sy vs diser vnd anderen derglychen historien /
das gütt lernend vnd liebhabend / dz böß aber
darvor erkennen vnd hassen könnend. Der-
gestalt werdend sy ouch on allen zwysel die hi-
story Diogenis läsen vnd bruchen. Dann
ob glych Diogenes vil gredt vnd gthan hatt /
das wüßt / grob vnd vngebürlich ist: so hatt er
doch dargegen ouch vil gleert vñ selbs gthan /
daruß man vil güts kan lernen. So nun ein
verstendiger wyser man vom Diogene läsen
wirt / dz böß ist vñ vnträcht / weist er sich dar-
vor zehüten / list er dan güts / so laßt ers im ein
vermanung syn zur thugend.

Diogenes in seiner jugend mit dem müntzfel-
schen gfündet / ist jm hernach / wie in der hi-
story volget / leid gewäsen / daruñ er ouch sin
ellend als ein rächte billiche straff v̄ selbē sünd /
dultiglich vff sich gnomien vnd tragen hatt.
Daby wir lernend / das / diewyl die sünd dem
menschen nütid anders bringet / dann ellend
am lyb vñ städte pyn am herzen / sölle sich ein
mensch dester fürer vor jr hütten. Ob aber
einer vñ anerbormer vñnd gmeiner vnser aller
blödichkeit in sünd siele / vñ daruñ von Gott
gesträfft wurde / sölle er sin straff williglich
lyden. Das er der leer so begyrig gewäsen /
das in Antisthenes / dese jünger er syn wolt /
weder mit gütte noch böse hatt mögen abtry-
ben / sol alle jungen zu der liebe fryer künstenn
vñnd gütter leer reysen. Das er by sinem
hündischenn läben so styff beliben / sol vns ein
leer syn / das wir by rechtgeschaffnem / erbarem
vñ guttem läben bis in vnser end verharind.
Das er müßiggang vñ fulckheit nit allein ge-
schohen vnd gehasset / sonder ouch sich mit vn-
menschlicher groiser / doch zum theil vnnöti-
ger arbeit geübt hatt / sol vns ein leer syn / das
wir in rächter / gebürlicher vnd gemeinem nutz
dienstlicher arbeit vnuerdrossen syn söllind.

Das

Das er sich an so wenigem hatt vernügē las-
sen/ sol vns vnserenn vberflus/ der jezmal in
äffen vnd trincken / in kleideren/ hußräd/ ge-
büwen / vnnd anderem von mencklichen ge-
brucht wirt leiden/vnd leeren das wir vns an
dem so die notdurfft erhöüschet/ vernügind.

Summa / vß allem sinem läbenn / wirdt ein
verstendiger das güt/wie obstäd/ neümen vnd
behalten / dz böß aber/ glych als ob er es weder
sähe noch höre/ fürgan. Dañ welcher das
böß annimpt vnd behalt / vnnd das gütt laßt
hinfaren / der thüt das jm selbs zu schand vnd
schaden / diewyl er nitt allein mit dem / das er
das böß liebet vnd thüt/sich selbs an lyb vñ seel
schädiget/ sonder ouch mit dem/ das er der ge-
stalt sin böse vergiffte natur / die dann vorhin
verborgen lag/offnet / vnnd sich selbs by aller
wält züschandē machet. Die spiñ ist so böser
vergiffter ardt vnd natur/ dz sy giffte sugt/ wo
dz byle honig findet. Deshalb so Gott/ der
dañ so mengerley menschen in sinem grossen
hußz sind hat / söllliche byspil der welt fürstelt/
ist der glöubig gütter ardt / wie das byle / vnd
nimbt alle werck Gottes zü güttem vff / dar-
gegē thüt der vnglöubig wie die spiñ/der niñt
vnd lernet allein was böß vnd vergiffte ist.

Wir habend aber / so vil den nutz / den wir vß
diser vnd anderen derglychen historyen nem-
men söllend / belanget / ein herlich byspil an
dem heiligen Hieronymo / welcher glych dise
history / nit ander gestalt / dan wie hie anzeigt /
vnd einem frommen Christen zimbt / zu güt-
tem gebrucht vnd anzoogen hatt. Dan als
er in sinem anderen büch / das er wider Iou-
nianum geschriben / das ganz läben Dioge-
nis bis zu sinem end / vß einem altē geschicht-
schryber in ein summa verfasst / erzelt hatt /
spricht er darnach also: Ich hab nitt meer
dan eines einigen philosophi byspil anziehen
wöllen / dz so vnser schöne vn glatte füllbüch
der heiligen Apostle armüt / vnd dz hært crük
nit wüssen noch tragen wöllend / sy dennocht
der Heyden mäsigkeit lernind nachvolgen.
Dis byspil des heilige Hieronymi gibt vns
zu verstan / wie wir dise vnd andere historyen
läsen söllend. Namlich das güt behaltē /
das böß faren lassen. Es habend ouch Plu-
tarchus / Diogenes Laertius / Dioeles / Eu-
bulides / Satyrus / vnnnd andere Griechische
gshichtschriben / vß welchen dise history gezo-
gen / das läben Diogenis nit darinn beschri-
ben / das sy die welt vnuerschambt machen /
vnd

vnd wie man spricht / lüß in belß sehen / wol-
tind / sonder eins theils von lust vnd kurtzweyl
wegen / and'stheils / dz sy vermeint / vß etliche
vñ der meertheil sinen leeren vil gûts zû nem-
men vñ zû lernē syn. Dañ sine schimpfliche
sprüch vnd thaaten vil ernst habend. Man
sicht ouch in sinen reden was geschwinden vñ
sürrycken menschengs er gewāsen ist / dañ was
je an jn kōffen / wußt er sin bescheid daruff zû
geben / das jn also einer seltenn on ein antwort
funden hette. Vß welchem allem vnd an-
derem meer / so hievon möchte geredt werden /
gütt zû verstan ist / das dise history / dem be-
scheidnē läser / nitt allein lustig vñ kurtzweylig /
sonder ouch nüglich vnd güt syn wirt. Will
aber jemand in der bübery studieren / vnd wß
nütssöllend / arg vñ böß ist lernen / der selb wirt
weder das noch andere bücher daruß er
es lerne / müssen kouffen / diewyl
er dz on bücher von der je-
sigen wellt vberuß
wol mag ler-
nen.

Register der Capiteln

diser history.

Das Erst Capitel sagt / von dem namen /
harkommen vnd vatterland Diogenis.

Das Ander Cap. sagt / wie vnd von wem
er vfferzogen syge / vnd was er glernet hab.

Das Dritt Cap. sagt / was stands vnnnd
wäsens er geführt / vnnnd weß er sich begangen
habe.

Das Vierd Cap. sagt / von seiner leer vnd
sinem läbenn / ouch von allen sinen wunder=
barlichen Worten vnnnd wercken / vnnnd wie es
im zu letzt ergangen syge.

Das Fünfft Capitel sagt / von sinem end
vnd wie er begraben syge.

Das Erst Capitel.

Wie Diogenes in der Statt
Sinope geboren / vnnnd wår sin vatter
gewåsen syge.



Diogenes / von dem wir hie in die-
sem büchlin schryben wöllend / ist
genemitt worden: Diogenes Phi-
losophus Cynicus / damitt er vor
den anderen / so auch Diogenes geheissen / er-
fant vnd vndercheiden wurde. Dañ sonst
sind auch andere philosophi / oder wyß geach-
A v

tete man in Griechenlād gwāsen/die disen na-
men gehept oder gefürt habend. Der erst ist
Diogenes Apolloniates / welcher disen zūna-
mē vberkōmē hatt vō der Statt Apollonia/
sinē vatterland. Diser Diogenes ist ein trāf-
fenlicher gūter arzet/ vñ aller naturlicher din-
gen berichter meister gwāsen/ hat ouch etliche
bücher gschribē vñ hind' im verlassen. Doch
hat er in dem trāffenlich gfält/das er den lufft
für Gott gehalten vnd geeret hatt. Der an-
der ist Diogenes Sicyonius / von der State
Sicyone also genembt. Der ist ouch einge-
leerter man gwāsen vnd hatt die geschichten
der Peloponnesern beschriben. Der dritte
ist Diogenes Stoyeus / von wāgē der seit de-
ro er anhengig was / also genant / mit dem zū-
namen Babylonius / den er on zwysel dahar
vberkōmē / das diewyl Seleucia sin vatter-
land vnwyt von Babylone glāgen / er / als ob
er daselbst hār erborn wāre / hat müssen Ba-
bylonius heissen. Diser Diogenes ist des
trāffenlichen mans Chryssippi jūnger / vnnd
sonst / on dz er gleert was / hochgeachtet gwā-
sen vñ zū grossen eeren brucht worden. Dañ
er nitt allein etliche Bücher / als eins von vñfle-
gen der trōūmen / vnnd eins von der Göttin
Miner-

Minerua geschribenn hatt / sonder von sinen
herzē von Athen gen Rom als ein Rhatsbott
geschickt worden. Der vierdt ist Diogenes
Tarsensis / also genant von der Stat Tarso
die in Cilicia gelāgen was / diser hatt ouch et-
liche bŭcher geschriben / vnnnd damit man nit
in den namen verirrtē / sond menglich wŭste
welcher einer oder der and were / so hat ein jed
sin besondere zŭnamē gehept. Vnd ist diser
Diogenes / von dem wir hie schrybend / Dio-
genes Cynicus genembt worden / von wāgen
der sect / die er zum ersten vffbracht vnd gefŭrt
hat. Dañ Cynicus ist ein Griechisch wort /
vnnnd heist in Tŭtscher sprach : hŭndisch.
Namlich das Diogenes / wie hienach in dem
drittenn Capitel volget / ein wŭst / vnflätig
vnd hŭndisch lāben gefŭrt hatt. Sin vatter
ist genembt wordenn Xcesius / oder wie er in
selbs in einem sendbrieff / den er zŭ jm sins lā-
bens halb geschriben / nembt / Xcetes. Der
selb sin vatter hatt ein wechsel gefŭrt / vnd sich
deselben gwerbs erhalten. Die Statt aber /
in welcher er erborren vnd vfferzogen ist / heist
Sinope / die do ligt in Ponto / einer land-
schafft der kleineren Asie / welche als Strabo
im zwŭlffte bŭch anzeigt / von den Milesiern /
aber

aber als Stephanus im büch von Stettenn/
schrybt/ von Macritio Coo erbuwenn ist.
Doch syge dem wie jm wölle / so ist es ein schö
ne/ vnd nit allein von menschen hand / sonder
ouch von natur werlich gemachte Statt ge
wäsen. Dañ sy ligt in einer halben Insel /
vff einem hochenn büchel. Vmb die Insel
sind zü beiden syten schiffländinen vnd tieffe
felsachte gräben/ die ringswys vñ die Statt
gond/ vnnnd von dem Meer/ so das vsloufft /
so voll werdend/ das man nienen zü der Stat
kommen mag. Obenhar vff aller höche/
in/ vnnnd zenächst vor der Statt/ ist ein ganz
fruchtbarer boden / do die burger gärten vnd
andere fruchtbare gütter habend. Zü dem
allem hat sy schöne gebüw/ als Tempel/ Col
legia/ Rhathüser/ vnnnd sonst herliche hüser /
ouch suber wyt gassen vnd grossepläs. Ir
gottsdienst was: Das sy Autolytum/ den
sy für den erstē erbuwer vñ stifter irer Statt
hieltend/ als ein Gott vcreertend/ ouch in al
len jren sachen / was sy thün söltind/ rhats
fragtend. Demnach des regements halb/
ist sy fry/ vnnnd durch jren eignen Rhaat gere
gieret worden / ganns gwaltig vnnnd mächtig
gewäsen / hat ouch vff wasser vñ land trässen
liche

liche krieg gfüert / darzu grosse sig darby erhö-
let. Aber zu letst ist sy umb jr freyheit kom-
men / als sy vnuersächner sach von dem Kö-
nig Pharnace vberfallenn vnnd gewonnen /
ouch von sinen nachkommenden bisz vff den
König Eupatorem behalten worden. Der
selb Eupator ist ouch in Sinope erbozen vnd
vfferzogen / deshalb er die so vil geliebet / dz er
sy zu einer hauptstat sins ganzē Königrychs
gemacht hatt. Es sind ouch noch andere be-
lägerungen vnd schwäre vberfāl / nit nodt hie
zu meldenn / die sy ouch erlitten / bisz sy zu leste
mit Römern besetzt vn̄ bewonet / ouch ein theil
ettlicher nechst vmbligender landenn zu dem
jren vberkommen hatt. Dife Statt hatt vil
herzlicher lütenn alwäg fürbracht / als nam-
lich: vnder den philosophis sind da erbozen /
diser Diogenes Cynicus / vnnd Timotheus
Patrio / vnder den Poetenn Diphilus / wel-
cher Comedien geschriben hatt / vnder den ge-
schichtschrybern Bato / der die geschichten der
Persern beschriben hat. So ist nun Dio-
genes von Sinope diser herlichen vnd gwal-
tigen Statt bürtig gewäsen / wiewol er das
nitt alwäg bekennet / sonder etwan anders von
sinem vatterland geredt hat. Als vff ein zyt /
do jr

Do in einer fragt wohar er bürtig wäre / ant-
wortet er: Er wäre Cosmopolitis / das ist /
burger in der Wält / als ob er gesprochen het-
te: Ich bin in der Wält erboren. Ver-
meint ein wyser man / wäre in sinem vatter-
land vnd daheim / wo er hin käme.

Das Ander Capitel.

Wie Diogenes falsche münz
gemachet / vnd darumb vertriben / ouch
wie er zü der leer kommen syge.



Die

Derwyl nun Iesulus der vatter
Diogenis ein wächsel / wie ob-
stadt gefürt / hatt er Diogenem
den son ouch darzü gezogen /
dannenhin es sich begäben / das er verschreyt /
vnd zu lest verklagt ist / als der etwas falsches
in der müns gebrucht habe / darüß er ouch vß
der Statt Sinope sinē vatterlād entwychen
müssen / doch sind hie vß mancherley redē vß-
gangē / wie dß etlich gschichtschryber meldē.
Diocles schrybt / das wie sin vatter ein wech-
sel offentlich gefürt / vnnd die müns zefelschen
gwon gwäsen / habe Diogenes ein mißfallen
daran gehept / vnd nit meer by jm blyben wöl-
len / syge also von jm entlouffen. Ebulides
aber ein anderer geschichtschryber / hatt in si-
nem büch / das er besonder von Diogene ge-
schriben / anzeigt: Diogenes habe es selbs
gethann / vnnd darumb mit dem vatter von
Statt vnd land ziehen müssen. Es sagend
ouch etlich: Er habe doch ein büch geschri-
ben / welches er Podalum genembt / in dem er
fry selbs / on alle nodt befeñt habe / söllich von
sinem münsfelschen vßgegangē gschrey wär
syn / dan er es gethan habe. Demnach sind
andere

andere die schrybend: Er syge ein verwalter oder schaffner vber etlicher personen güter gewäsen/ vnd von etlichen handwerckslütē vffgewisen worden/ er solle falsche münz machen. Vff das syge er gen Delphos vnd Delum zü dem Abgott Apolline kommenn / in gefraget / ob er dem rhaat den im die hantwercker gäbend solte volgen oder nit / vnd als im der Abgott verwilliget / vnd dem rhaat zefolgen nachgelassen / habe er / vnangesähenn wie im die sacht vffschlahen wurde / von der selben zyt an die münz gefelst / bis er doran ergriffen / vnd vmb solcher misthat willen / von seinen Herren vnd Oberen in das ellend verschickt syge. Doch sagend etlich er syge entruñen / vnd khumerfamllich daruon kominen. Wyter sagend etlich: Ein vatter syge daruñ gefangen worden / vnd in der gfencknuß gestorben / . Diogenes aber der son / syge entruñen vnd vnuerlest daruon kommen. Die rächte warheit wie er seiner sacht selb bekantlich gewäsen / wirt vñ seinen brieffen / die er hin vñ wider geschriben hat / erlernet. Dan sins ellends halb schrybt er dem Rhadt der Statt Sinope also: Sy habind erkent / er solle ein bandyt / vnd von sinem vatterland vertriben syn /
so er=

so erkenne / vnnnd wolle er dargegen / das sy in
sinem vnd irem vatterlannd blybind. Vß
welchem gütt zū mercken ist / dz er nit entrun-
nen / sonder mit vrtheil vnd rächte von heimen
ziehen müssen. Demnach sins vatters halb/
ob der in der gfencknuß gestorbē oder nit / mag
abermals vß sinen brieffen erkunnet werden.
Dan nach dem Diogenes in das ellend ver-
jagt / sin lehrmeister Antisthenem lāg gehört /
vnd zletzt sin sect vffbracht vñ ein gütwyl selbs
gefürt / hatt er erst darnach zū sinē vatter sins
stands vñ wāsens halb etlich brieff geschriben.
Vnd namlich in einem also: Er beschāme
sich des wāsens so er füre / ouch sins namens /
den er enpfangenn habe / gar nüt. By wel-
chem gütt zū verstan ist / das sin vatter nit in
der gfencknus gestorben vnd er daruß entrun-
nen / sonder dz sy beyd noch ein lange zyt nach
dem sy an dem münz felschen ergriffen sind /
gelābt habend. Wytter dz er eintwāders für
sich selbs allein falsche münz gschlage / oder si
nem vatter darin behulffen gwāsen / vnd ntti /
wie hienor vß dem Diocle anzeigt / darumb
vom vatter gelouffen sye / dz er an dem münz-
felschen ein mißfalle ghept / sicht man by dem /
das er das nachmals / weñ es jm fürzogen ist /

B

allwäg wår sin bekennt hat. Dañ es sich vff
ein zyt begåben/ das jm einer verweiß/ das er
die Wång gfelscht hette / dem gab er zü ant-
wort: Ich beken mich das ich einest ein gsell
was wie du yez bist/ du aber wirst all din läb-
tag nit ein mā wie ich jez bin. Wolt jm an-
zeigen: Es wåre wol war/dz er vorzyten vn-
rechts gthon vnd geirt hette / er thette es aber
yez nit mer. Vermeint die wårind billich
zū schellen / die an jungen lüten das vnrächt
sehen vnd straffen köntend / so doch sy in jren
alten tagen yemer dar nütt wolwind sollen.
Desglych hat es sich vff ein andere zyt begå-
ben/das jm einer das ouch fürhielt / do bekant
er es abermals/vnnd verantworte es mit der
jugent/vnd sprach: Do ich das thon hab/do
konnt ich schneller seichen dan jez / so ich lang
truckenn muß ehe es wolle von statt gan.
Wolt also mit seiner hündischen / wüsten vnd
groben glychnuß anzeigen: er wåre domals
jung gwåsen/do er das than hette/ jez wåre er
alt/vnd deshalb dem vnd anderem zwißig.
Das er also mit dem geringen harnen die ju-
gent/vnd mit dem langsamen das alter bedüt-
ten wolt. Wie dan mencklich weyßt/wie alte
lüt den mangel habend / dz sy kumer sameklich
harnen

harnen mögend. Hierum diewyl Dioge-
nes das selbs beñt/vñ nit verneynen können/
ist wol zū glauben/das es war/vnd wie hieuo-
z gñelt/also ergangen sigē/darum er den ouch
von Statt vnd Land müssen. Als er aber
von Sinopa sinem vatterland abgsehen/
ist er den nächstgen Athen kommen. Wel-
ches ein trāffenliche herliche Statt/vnnd in
Griechenland die verrūmptest gewesen ist.
Es sind ouch in der Statt Athen vil herli-
cher gleerter lütē/vil schülen vñ studia gwā-
sen/vnd vnder anderen gleerten lüten/die do-
mals da warend/was einer mit namēn Anti-
sthenes / der w3 sonst nit der gleertesten einer/
vbertraff aber jro vil nit vnachtbar Docto-
res/mit trāffenlicher sinryche vnnd spißfün-
digkeit. Er nam ouch gar keine jünger an/
die er leeren wolte. Diogenes aber gieng zū
jm/vnd badt in früntlich/er welte in zū einem
junger vffneimen / vnnd als Antisthenes das
nit thun wolt/vnnd yes mit gütte / dann mit
böse : ouch zū letst mit einem stäcken vonn
jm zetryben vnderstünd / verharret Dioge-
nes yemerdar / tuckt sin houbt / ließ inn sich
schlahenn / vnnd sprach : Schlach als
lang vnnd fast du wilt / so wirst du dennoche

kein so herten stecken finden / mit dem du mich
von dir trybē mögest / all diewyl ich etwz gütts
mag von dir lernen. Vnd mit solche stand-
hafften verharren bewegt er gemelten Anti-
sthenem so vil / dz er jm / sin jünger vñ zühörer
zü syn zeletst gütwilligklich nachließ. By
welchem man sieht wie begyrrig er zur leer in
siner jugend gewäsen ist / vñnd wie wyt er vil
jüngling vbertrossen hatt. Dañ wie man
jn mit stecken von der leer nit bringen mögen /
also man vil jüngling mit stecken mit zü der
leer bringen mag.

Das Dritt Capitel.

Wie er ein besonder wäsen
angehept / vnd wesz er sich began-
gen habe.

WEs nun Diogenes ein läge zyt by
Antisthene dem Philosopho ge-
wäsen / vñd vil güter leeren ghört /
hatt er mitler zyt ein eigne sect an-
griecht vñd vßbracht / die ward genembt secta
Cynica / das ist / so man es von wort zü wort
tüttschen



tütſchen ſol / ein hündiſche ſect / oder ein hüdſ=
 orden / dañen hâr ouch Diogenes ſelb wie ob=
 ſtadt / Cynicus / das iſt / hündiſch genembt
 ward / welchen namen er on allen zwiſel da=
 hâr vberkommen / d̄z er ein ſo ruch / grob / wüſt /
 vnſuber / vñ vnluſtig läben fûrt / wie ſich das
 an ſiner bkleidung / an ſiner bhufung / vnd an
 allem ſinem thân vnd laſſen / ouch an allen ſi=
 nes ordens regle gnügſamlich erſcheint hat .
 Dañ ſin bekleidung was ein zwiſacher man=
 tel / welche form vñ gattung er zum erſten er=
 funden vñ vſbracht hatt / als die im zû ſi=
 nem läben / das er fûren wolt / ganz komlich
 vñ fûgklich w̄z / diewyl er / ſo er ſchlaffen wolt /

B iij

sich daruff zulegen/vnnd mit dem oberen theil
zü bedecken gwen was. Demnach hatt er
ein stab oder stecken in seiner hand/den er an-
fangs seiner schwachheit halb/nachmals aber
sonst/vnd das er sin gewonet/gbrucht hat.

Ein bhufung was ein grosses wynfaß/da-
riin er vnder dem schopff in dem vorhof des
tempels Iouis/zü Athen wonet. Daruñ
als in vff ein zyt ettlich fragtend: warumb er
kein eygen huß hette/ zeigt er vff gmelten vor-
hof des Tempels Iouis/vnd sprach: Die
Herren von Athen habend mir ein herrlichen
palast gebuwē/ daran ich bhufung gnüg hab.
Vermeint: wż einer ganzē gmeind gebuwen
wäre/das sölte jm als einem von der gmeind/
billich ouch zü gutem dienen. Er hat wol
darvor einem werckmeister geschriben / vnnd
jn gbätten / er sölte jm ein Cell zü rüffenn / do
aber der selb den buw jemer dar vßzog/nam er
ein faß zü handen/ das in Metroo (einem ort
zü Athen also genant) lag/vnd macht jm da-
ruß selbs ein bhufung. Darzū bewegt in/dz
er in Ceramicco (einem ort zü Athen also ge-
nant) sach ein mus hin vnd har louffenn/die
wäd ein loch/noch spys sücht/dañ er sprach:
Wie einschön byspil der fryheit ist dz. Vñ
von

vß der selbē stund an hielt er wenig meer vff d
wält pracht vñ hochfart / hüb ouch an in sinē
saz zū wonen. Sin husrhat was ein wett-
schger / dariñ er allerley äßiger spyß hin vnd
här trüg. Darzū hat er noch ein hölzinen
bächer / daruß er träck / ouch ein hölzine schüs-
len daruß er aß. Doch bhielt er disen husrhat
nitt lang / sond als er sach ein jungen knaben
mit der hand wasser vffschöpffen / vñ also trin-
cken / sprach er: Diser knab ist vber mich mitt
zimlichkeit sins läbens / dan ich ein bächer mit
mir vmher trag / so ich doch wol vß der hand /
wie er / trincken möchte / zog hic mit sin bächer
vß sinem wätschger / warff in von im / vñnd
sprach: Das hab ich noch nit gwüßt / das die
natur vns mēschē söliche fürsähung thon hat /
dß wir one bächer trincken köñend. Denach
als er ein anderē / dem sin napff zerbrochen / sa-
he / dß brot vßhölen / sin müs drin anrichtē / vñ
daruß ässen / warff er ouch sin napff hin / ver-
meint er wurde ouch dese nit mer bößffen / al-
so hat er zletst kein husrhat mer / dan sin wätt-
schger. Sölichs laßt sich als schimflich anse-
hen / wir soltend aber darby sehē / wie vil vñnd
tigs kostēs wir je vff vns ladend / dese wir vns
vñ ander wol vberhübē. Wiewol Diogenes

ein so herrliche bhufung hat wie hienor geschriben ist/ so hatt er doch sin orden/weder an das faß / noch andere gwüsse ort/ keins wägs binden wöllen/sonder gesezt vnd geordnet/das er vnd ander/die sin orden annemen wöltind/ äffen / trincken / schlaffen/ vñ anders an welchen orten vnd enden sy das geluste / wol thün möchtind. Darumb er an der gassen / vff fryer straf / vff gmeynen plätzen / vff fryem markt/ auch in den herrliche Tempeln/ äffen vnd anders thün dorfft. Dañ er das/ als ein wollgegründte Regel sins Ordens/ genslich gloubt / das so nit schandlich oder vnerbar zethun wäre / das möchte einer / an gmeynen orten/ offentlich/ vnd vor mencklich wol thün.

Welche leer er mit einem solchen argumēt bestädtet: Wen äffen vnd trincken nit sünd ist/ so ist es auch vff offnem markt zethun nit sünd noch vnrecht. Nun ist äffen vnd trincken nit sünd. So ist es auch nit sünd vff offnem markt zethun. Welches argumēt by gūten ehren biderben lüten wol beston möchte/wen er es nit wytter / vnd vff die ding/die von natur söllend bedeckt sin/ vnd an heimlichen orten beschāhen/ ziehen welte/dann sonst sol vnd muß die zucht allwāg vorgon. Dio genes

genes aber / als der sich des hunds ordens be-
fleiß / hat da gar nüt vßgenom̄en / sonder wo
jn ein ding ankam / da dorffte ers thun. Vnd
weñ jn etwar beschalt / warumb er vff offnem
marckt / vnd nit als m̄r daheim in sinem hufß
affe / sprach er: Was ist es dañ mer? mich
hungert doch am marckt. Vermeint wenn
einẽ am marckt hungerte / so möchte er ouch
am marckt assen. Demnach so hat er sin tã-
gliche übung / mit welcher er dẽ lyb zur arbeyt /
zur hitz vnd zum frost gewen̄en wolt. Dañ
summerzys walet er sich im sand am Meer /
wen es brüñig heys was / winterzys aber / vn-
fieng er die steininẽ süß vnd bilder / weñ sy gãs
kalt / vnd vollen schnees warent / hie zwischent
was er niemmer müßig / sonder gieng eint-
wãders in die Schulen / etwas von den gelee-
ten zũ hören / oder aber lart er ander lüt. Zũ
dem allem hatt jm das sin orden ouch schwãr-
gmacht / das er nit / wie Aristoteles / Plato / vñ
andere Philosophi in Griechenlãd / pension
vnd jargãlt / oder einich bestallung von Für-
sten vnd Herren / desgalych kein zins vnd behen-
den wie ander ordenslüt / gehept / sonder sich
mit grosser armüt / des bättels behelffen müß-
sen. Damit er aber des bättlens gwonete /

vnd nit vndultig wurde/waß jm einer das al-
müßen versagte / stünd er je zum dritten für ein
hölzlin oder steinin bild/vnnd bgärt/ es wolte
jm etwas gebē/ vn̄ so in etwar fraget/ waruff
er das thette/sprach er: Daruff/das ich mich
weñe/nüt an die zu zürne / die mir dz almüßen
vnd anders/so ich von jnē bgärt/ abschlahend.

Dañ woran sich einer gweñt hat/das thüt
jm nit wee/wie sur vnnd bitter es joch syge.
Weñ er aber von einem mensche etwas bgärē
vnd höüschē wolt/sprach er allwäg: hast du
ander lüten vor mir etwas gegeben/so gib mir
ouch: hast du aber vor mir nieman gegebē / so
fach es an mir an. Vermeint/er wäre doch
nüt minder vnnd kleinfüger dañ ein anderer
bättler. Deshalb welcher einem anderen
bättler gebe/der solte ouch jm gebē: wäre aber
jemand so kündig / dz er gar kein almüßen gā
be/solte er denocht gedenccken / das es zyt syge/
das an etwar em an zfhenn. Desglych so
jm einer das bättlen vshüb / vnnd in darumb
schmächen oder schelten wolt/ das er gelt von
sinen fründen vnd gönneren bättlete/ dz doch
einen bättler / nit einē Philosopho zu stünd/
sprach er: Ich höüsch nit ein almüßen/son-
der ein schuld. Vermeint was ein fründ dē
anderen

anderen gäbe/ das wäre nit ein schencke/sond
ein schuld. Dañ welcher gelt hinder im li-
gen hat zü der zyt / weñ er weißt das sin fründ
dese manglet / der hat hinder im ligen das nit
sin / der des nit notturfftig ist / sonder sines
fründs ist / der des vbel manglet. Ob aber
Diogenes glych wenig hat/so könt er sich des
wol lassen vernügen. Sin spys was frut/
Oliuen/thürz Fygen/vñ wñ er haben mocht.

Sin tranck was jes wyn/dañ wasser/wie
es die müly gab. Vff kostlichen spysen/vnd
denen die darnach staltent / hat er wenig.
Das man also by dem vñ anderem sicht/das
sin orden sträng/vnd nit einem jeden annäm-
lich/ouch jñte / dem Diogeni selbs/anfangs
ganz schwär vñ vntraglich gwäsen ist. Dañ
als er sin Sect oder orden erst angenommen/
vñnd in sine fast thürs vnsubers brot aß/hort
er trummen/psyffen/vñnd ander fröüwd spil/
darmit yederman in der Statt vmb gieng/
wie dann vff einem hochzytlichem tag be-
schicht/ sieng er an der strennge sins Ordens
nach trachten/vñnd an dem ettwas verdrüß-
sens habenn / ouch rhaat schlagen vñnd ge-
dencken / wie er desse abstonn möchte.

Do

Do er aber ettlich müß zu jm sach louffen/
vñ sine brosemly vñ äffen/sprach er: O Dio-
genes / warumb bist du dir selbs also erleidet/
du bist doch ein grosser herr/du hast doch ouch
schmorozher vñnd schmeychler an dinem hof/
die du spysst vñnd erhaltst. Als er aber sol-
che anfechtung vberwundē/ist er in sinem an-
genommenen orden mit solcher standhaffte ver-
harret/das in kein arbeit / vnfal / trax vñnd
spott der welt / des glich ouch kein liebe des
wollusts/dauon hat mögen abwenden. Er
schrybt ouch zu einer frouwē/genaüt Hippa-
rchia/von der strengen sins ordens/vñnd verma-
net sy by dem zu verharren / namlich also:
Er habe vernommen / wie sy sich der Philoso-
phy/vñnd fürnämlich sinem orden ergäben ha-
be. Dorab er sich müßte verwunderen/ die
wyl sy/als ein wyb/ so manlich sige/das sy ein
solchen orden / der ouch vilen vñ der mertheil
männer zu schwär sige / angnommen habe.
Byter schrybt er ein brieff zu sinē vatter/in
dem er zum ersten den orden / vñnd des selben
namē anzeigt/dennach ouch vrsach gibt / wa-
rumb er dar by blyben welle. Dañ er schrybt:
Er wärde ein hund genembt / trage ein zwifa-
chen mantel/vñnd wätschger vber die achßlen/
habe

Habe dar zu ein stab in seiner hand. Desz solle
er/der vatter sich gar nüt bekümbere/ sonder
vil meer fröüwen/das er ein sölichen son habe/
der an so wenigem sich vernügen lasse. Das
man aber in ein hund nemme / solle er wissen
das er nitt der hunden einer syge / die vff erdē
sind / sonder der hund am himel / von dem die
hunds tag genēbt werdend. Desz rocks / wāt=
schgers vnd desz stabs halb/syge er nitt der erst
der sich sölicher bkleidūg gebrucht hab. Dan
der herzlich Poet Homerus sölichs von dem
wysesten Griechen auch geschriben hab.
Also trost er sin vatter / vnd starckt sich selbs /
damit er by sinem orden / bis an sin end / ver=
harren möchte. Es ward jm auch sin läben
wie ruch es jmer was / zeletst so ring vnd ange
nām/das er sagt: Er wäre mit güttem läben
vnd rychtagē wyt vber den König in Persia/
dan er hette kein mangel / so möchte dem Kö=
nig in Persia nit gnüg wärden. Des güttē
läbens das der König hette / wünschte er nit/
aber sin fröüwd vñ wollust / die er/der Dioge
nes hette/möchte der König weder mit wün=
schen/ noch sonst vberkommen. Wellichs er
nit allein von jm selbs sagt / sond andere herz
liche vñ gelerte lüt gebend jm diese küdschafft/
namlich

nälich dz er nit allein vber den könig Persie /
sond' ouch vber dē grossen Alexander / ouch ein
vberwinder menschlicher natur gewäsen syge.

Das vierdt Capitel.

Wie er gleert / vnd was er
als gethon habe.



Als nun Diogenes by jm selv / wie
hieuor gmelde / entlich beschlossen
hat / dz er by sine orden blyben / vñ
den selben vbringē wölte / hūb er
an sin lecr vñ zespreiten / vnd nit allein alle die
jm zū kaffend / sond' ouch sine jüger / die er zū
vfnung

Yfning seiner leer besonders an natm/ze leeren.
Wie er dan dar zu von natur gschickt w3/als
der dry tugend3/die ein3 leerer gbürend/an jm
hat. Eine/d3 er jm leere so vnuerdrossen w3/
d3 er darby allwäg frölich vñ gschimpfig sin
mocht. Als do er eins mals lang gläsen/vñ
an ein lars blatt kofmen/sprach er: Sind gü
ter ding3 lieben fründ/ich sich an stand. Thet
als einer/der läg vff dem Meer gfare/vñ sich
fröuw3/so er an das land sichte. Die ander:
das er wol bredt was / vnd hiemit der wält sin
leer wol font inschwätz3: Wie es sich an One
sistrato einem burger zu Egina/vnd sinen so
nen woler scheint hat. Dan der selb Andro
sthenem sin jünger3 sin gen Athen schickt/d3
gsiel Diogenis leer vnd läben so wol/d3 er nit
mer von jm wyche wolt. Demnoch schickt er
Philiscu sin eltern son/der bleib ouch. Zletst
als gmelter Onesistratus selb dar kam/ bredt
jn Diogenes/d3 er ouch by jm blyben müßt.
Die drytt/d3 er nit ein jeden/sonder allein die
er zur leer gschickt sin achtet/an nā. Dan als
einer v3 jm bgärt/er wolte jn zum jüger anem
en / nam er jn an / versücht jn aber/wie er sich
anlas3 wolt/vñ gab jm ein schwinine hamen
zu trag3/vñ gbot jm er solte also nachvolgen.
Der

Der güt poß schambt sich die zü tragen/
warff sy von jm / vnd trolle sich heymlich dan
nen/vnläg darnach begegnet jm Diogenes/
lachtet vnd sprach: Wir warend gütt fründ/
aber ein schwynine haßinen hat vns von ein
andren treüt vnd abgefündert. Vermeint
er sölte nüt zur Philosophy / so er die vnnüt
schambhafte nitt lassen möchte. Es wäre
ouch vnerlich/vm̄ einer so kleinfügen vrsach
willen/von einem herzlichē man zühen / daß
ein schwynine hamme tragen. Glicher wys
begab es sich/ das er einē/ der vber ein sin jün-
ger sin wollt/ ein käß zü tragen vffgab / vnnnd
der selb sich des ouch beschambt/sprach Dio-
genes: Ein stuck käß hat vnser fründschafft
znüte gmacht. Wyter so kassend vil vnnnd
mancherley lüten/ hochs vnnnd nidere stands
zü jm / deren einer diß / der ander ein anders
fraget/etlich in veriertend. So was er mit
allen sinen dingen wunderbarlich. Das
macht/ dz jm der mertheil volcks vß gwündri-
ge nachlüß/ wie wol er etwan mit einē schim-
pflischen possen der wält zü jm locket/vnnnd die
lüt dahin bracht / das sy jm loßetend. Als
vff ein zyt begab es sich/das er von einem ernst-
lichen hädel redt/ vnd jm niemen mit flyß zü-
hören

hören wolt/hab er an ein lächerigs tansliedly
singen. Do nun vil volcks zū hin lufft zelo-
sen/beschallt er sy hefftig/ das sy so ernstlich zū
hin luffend/weñ er narren werck tribe/ darge-
gen aber nitt losen wöltind/ weñ er jnenn von
ernstliche vñ zū jrem läben nutzlichen dingen
sagen wölte. Doch so könt er yetz ernstlich/
dañ schimpfflich sin/ wie man das an allen si-
nen hienach volgenden worten vnd wercken
sächen mag.

Es was einer mit namēn Euclides/ein
träffenlich gleert man / der lart in siner schül
die beid künst/ Arithmetiam/das ist von der
zal vnd rächnung/ vnd Geometriam/das ist
von dem mässen der circulen/quadranglen/vñ
anderer figuren. Doch sumbt er sich / wie
Diogenes vermeint/ vil zū lang in den ersten
anfängen / vñnd lart also subtile hohe ding/
dardurch die jugent gsumbt / eintwäders zū
spaat/ oder aber gar nitt zū den rächte künstē
kommen mocht. Von desse schül sagt Dio-
genes also: Euclidis schola ist chole. Das
heißt in Griechischer spraach: gallen. Ver-
meint es wäre ein verdrüßig/ arbeitsam/mü-
sälig vnd als ob er sagte vnnütz ding/ so doch
E

schola in Griechischer sprach rüw heist: als
ob er sagte/die schül solte ein rüw sin vñ heisse/
so wäre die schül ein vnrüw. Desglichen redet
er ouch vö der schül Platonis/die selbig wäre
nit ein übung/wie sy Plato nannte /sonder ein
betrübung. Vermeint es wäre nutzlicher/das
einer nach der lehr läbte / deñ das er yemer dar
disputierte vnd larte.

Glycher wyß redet er ouch von dem grossen
fest/das mā zü Athen dē gott Baccho zü eerē
mit grossē pracht vñ kostē bgienng / sagt es wā-
re nit anders/dañ d' narē wunderwerck. Die
wyl nit danñ w₃ lächerigs w₃ dariñ sūrgienng.

Die redner/die zü Athē in träffenlicher ho-
her achtung warēd/nannt er gemein knecht/da-
runñ das sy allein müstind reden was sy mein-
tind der gemeind angnem syn/vñ desßhalb dem
gemeinen volck lieb fosen.

Er sagt weñ er gedächte an die regentē d' stet-
ten/vñ d' landē/an die arset/an die wyße.mein-
te er es wäre nit wysers vñ verstendigers/dañ
ein mensch. Herwiderumb / so er ansehe die
tröum vñslegger/warſager/schwarzkünftler vñ
alle die nach zytlichē güt/vnd pracht staltend/
meinte

meinte er es wäre nüt narrachtigers in aller
welt/dañ der mensch. Mit welcher leer er an-
zeigt/dz des menschē art vñ gmüt zū allē gütē
geschickt wäre/wen es darzū gbrucht/vñ darin
geübt wurde:dargege wurde es vil böser/dañ
kein thier vff erden/wenn es zū nütssollenden
dingen gfügt vnd brucht wurde.

Wytter sagt er der mēsch solte ehe Logon/dz
ist red/dañ Brochō/dz ist strick/süchē. Ver-
meint die verzwysletind/hetind jr zūflucht zū
strick:namlich/dz sy sich hanckttind/damit sy
wie mā spricht/vermeintind der marter abze-
kommen/so jnen doch besser wäre/dz sy sich mit
wortē tröstē liefsind. Gleich als ob einer sagte:
Es ist weger zū wort dan zū mord. Das ist/dz
einer trost im wort Gottes sūche/weder das er
sich selbs mōrde vnd vñbringe/dardurch der
mensch nit zum end/sonder erst zum anfang
sines vnglücks kommen mag.

Es begab sich vff ein zyt dz Plato by jm in
einem kostlichen maal saß/vñnd nüt anders
angreiff nach versucht/dann oliuen. Do
sprach Diogenes:Wie ist es dir ergangē min
Plato/das/so du vñ solcher kostlichen spysen
vñ schlecken willen in Siciliam gereiset bist/
E ij

vnd aber sekunder die nitt issest / so sy glych
vor dir stand? Plato sprach: do ich in Cili-
cia was/ do af ich by dem Gott Hercule nütte
anders dan Oliuen. Diogenes sprach: wa-
rum hast dan vber meer gen Syracusas fare
müssen/ so doch zu Athen damals ouch Oli-
uen wüchsend.

Vff ein andere zyt bgägnet er Platoni vff
der gassen/vnd af thür: Fygen/gab jm ouch
eine/vnd sprach: Versüchs: Plato nam sy vñ
af sy. Diogenes sprach: Heban vnslät/ich
han dichs gheissen versüchen/nit gar frassen.

Diser schimpff mag zu ernstlichen sachen
ouch gebrecht werden. Namlich das/wann
ein Oberkeit/schulmeyster/vatter vnd müter
einer handbreyt der jugend erlaubend/so ma-
chendt sy ein myl daruf. Welche vnmaß
macht/das Diogenes ein ander mal sine Fy-
gen selbs bhalt.

Als Plato kein vberflus in seiner hushal-
tung/ouch in allem sinem läben brucht/vnd
denocht alle ding recht vnd suber haben wolt/
dargegen Diogenes ein wüß vnd vnslät wz/
begab es sich/ das Plato ettlich fründ des kö-
nigs

nigs Dionysij zu gast geladen hat / Do steig
jm Diogenes vff sin bett / vnd zerstampffet es
jm gar wüst / vnd sprach: Ich zerstampff Pla
toni sin hochfart. Plato sprach: Du ver
stämpffest mir min hochfart mit diner. Mit
welchem Plato anzeige: Diogenes wölte jm
vñ die hochfart straffe / so er doch vil hochfer
tiger vnd eergytiger wäre. Dañ wölte Pla
to sines suberen vñ erbaren wandels gerümbt
sin / so wölte ouch Diogenes sines wüste hün
dischen vnd vnsuberen läbens ein eer haben.
Da by man sieht / das einer glich als vil hoch
fart in zwilchen / als ein anderer in Sammet
triben kan.

Diogenes hat an Platonem bgärt / er wöl
te jm ein wenig wyns schicken / Plato schickt
jm ein ganze lagelen voll / daruñ dancket jm
Diogenes also: Wenn dich einer fragt / wie
vil zwey vnd zwey sygend / so sprichst du: zwen
zig. Also gibst nit wie man dich bitt / vnnd
antwortest nit wie man dich fragt. Wolt
jm hiemit sin vil schwäken vfrupffen / wie jm
onch Aristoteles gthon hat. Es fraget jm ei
ner an welchem ort in Griecheland / er biderb
mañen gsähen hette / dē antwortet er: an keine.
C iij

aber zu Lacedemone hab ich gute kind gsehen.
Vermeint die Griechen werind ganz vñ gar
zu nütte worde/ also das man allein an kinden
die alte trüw vñ fromikeit noch spüre möchte/
vñ doch dz allein by den Lacedemonieren/ die
vnder allen Griechē die besten vñ fromste wa
rend. Biewol er vuch hiemit anzeigt / dz die
kind / by denen dennocht etwas vnschuld syn
solte/böß wärind/darum̄ das die elterē so gar
böß vñ nüt söllēd wärind dz sy nüt güts by iñē
lernē köntind/vñ deßhalb müßind böß syn.

Er beschalt die wält/das sy sich mit ringen/
springen/louffen vnd/anderem übe/damit sy
bring vnd gschwind wurde/vñ sich aber nie
man in dem übe wölte darmit er from̄ wurde.

Er sagt er müste sich verwunderen ab den
schülmeistern die den knaben in den schülen
den poeten Homerum läßind/ vnd dariñ an
zeigtind/wie es de Blysi manig mal so übel
ergangen sye/vnd sehind aber nit/wie es vmb
sy so recht übel stünde. Die Musicos/das
ist senger / lutenschlaher/ gyger/vnnd alle die
mit der Music vmbgond / beschalt er das sy
güt sorg hettind in dem / wie sy die stimmen
vnd

vñ die seiten zusamē stimpfind vñ rymbfind/
vñ hettind aber sy dargege so gar vngerympte
sitten vnd gebärden an jnen.

Die Astronomos das ist sternen säher/ be
schalt er ouch / das sy nun der Sunnen / des
Mons vnd anderer sternen / vnd nit als mer
jren selbs acht hettind.

Die redner beschalt er darumb / das sy vil
von der gerechtigkeit vnd billigkeit sagtind / so
doch niemand / sich der selben minder / dan
sy. f. i. s. s. e.

Die gyttigen beschalt er / das sy mit wor-
ten das güt vñnd gält vernüttetind / vñnd es
aber im hersen so hoch achtetind. Wie denn
das gemeinlich bschicht / das nieman den gytt
mer schiltet / den eben die / so gyttig sind.

Er was übel zefridenn mit dem gemei-
nen volck / darumb das sy erkennen köntind
das güt / fromm biderb lütt / die das güt vñnd
gelt nit hoch achtetend / lobs vñnd eren wert
wärinnd / vñnd aber dargegenn allermeyst
den rychem vñnd gyttigenn nachlüffind /

vnd anhiengind/vnd also den biderben lüften
von denen sy so vil eeren vnd güts sagtend/we
nig eeren vnd güts bwisind.

Er hasset ouch die/so den Götten darumb
opffer brachtend das sy gshundheit erwurbind
vnd aber in den opffermaalen sich der maßen
mit spyß vnd tranck fültind/das weñ sy glych
gshund wärind/müßind sy franck werden.

Er sagt es neme in wunder/das die knecht/
weñ sy sehind/dz ire herren so fräsig wärind/
in die spyß nit nāmind/diewyl es den herren
zur gshundheit dienen/vnd den knächten min-
der vbel anston wurde/weñ sy fräsig wärind.

Er lobt einen der wyben wolt/vnd es aber
nitt thett/deshglych einen/der vber meer faren
wolt/vnd es ouch nitt thett. Wytter lobt er
ouch den / der sich rust vnnnd schickt/ als ob er
gern an gricht vnd rhat kommen wölte/vnnnd
aber dahin ze kommen keins wegs wunschte.
Wolt also anzeigen/ das sich ein wyser man
vor disen dryen stücken allen sölte hütten. Er
meint ouch/ das weñ ein wyser man gemel-
ter dryer stücken einsehhalb/welches das wære/
ange=

angesprochen wurde / solte er sich dese by güt-
ter zyt/vñ glich jm anfang wideren/vñ gen-
lich müßigen. Dañ wo er ein mal sich dar-
yn bgebe/möchte er darnach mit eerè/glimpff
vnd gütten fügen schwärlich daruon kommen/
ob es jn glich vbel geruwen wäre. Das sä-
he man by dem / das welcher ein mal ein wyb
genossen / der wäre sin selbs nitt meer gwal-
tig / sonder müßte sich dz wyb meistere lassen:
vnd welcher sich ein mal vff das meer bgäben
der wurde nitt wo er hin wölte / sonder da hin
jn die wind tribind/farè müssen. Desglichen
welcher ein mal an das Regiment kommen wä-
re/der müßte sich in die wält schicken/die wält
wurde sich in jn nit schicken.

Er sagt/einer solte sinem fründ vñ gönner
die hand nit mit züsammen gthonen fingerenn
bieten. Wolt mit diser verborznen red an-
zeigen / man solte sich nit allein mit wortten /
vnnnd vseren gebärden / sonder ouch mit güt-
thaten gegen fründen früntlich erzeigen.

Wytter sagt er man solte die/ so thum vnd
blind wärind/ nit lämerig vnd krüppel neñ-
en/sonder die kein wätschger hettind / soltind

E v

also heissen. Wellichs in Griechischer sprach
von wägen das ein krüppel/vnd einer der kein
wättſchger hat/garnach glyche namē habed/
baſſ luter. Dañ Anapiros heiſt einē der krüp
plächtig vnd lam iſt/dargegen heiſt Apiros
der kein täſchē oder wättſchger hat. Wolt hie
mit anzeigen das welcher zū der philoſophy/
dʒ iſt/zū der liebe vñ übung der wiſſheit nit ge
ſchickt wāre/d ſelb wurde zū keinē rechtgſchaf
nen dingē zbruchē ſyn. Dañ der wättſchger
was als vil als ſines / des Diogenis/ ordens
zeichen. Deſſhalb er deſſ ſelben namen für den
orden ſelbs gebrucht hat.

Eins mals ſtünd er vff offnem marckt / als
wölte er mit dem volck redē/vñ offenlich leerē/
do ſchrey er mit luter ſtūm vnd ſprach: Loſa/lo
ſa ho/ ſind yenē menſchen vorhandē/ die kōm
mind har zū mir. Vnd als die lüt hüſſlingen
zūhin lüſſind / ſchrey er nüt deſterminder ye
merdar für: Loſa ho: ſind yenen menſchē vor
handen/die kōmind har zū mir. Deſſ würded
ettlich er zürnt/die ſprachēd: wie gſtelſt du dich
deñ ouch? ſichſt nit dʒ wir da ſind? ſag an wʒ
du welleſt. Er aber erzuekt ſin ſtäckē/ſchlug
gegē jnē/ wolt jr keinē zū jm laſſen/ vñ ſprach:
Ich

Ich sich üch wol/ich wolt aber dz mēsche/nitt
kaatbüch vñ misthüffen zū mir kāmīnd. Ver
meint die wāriind nit wārt / das sy menschen
genembt wurdind / die nitt nach rechter ver
unnfft/sonder nach iren bösen ansechtungen/
wie die vnucrnünfftigen thier läbtind.

Als Diogenes zū Corintho in sinem faß
faß/kam Alexander zū jm / redt lang mitt jm
von vilerley sachen/vnd als er von jm gieng/
warend die sinen übel zefriden / das er disem
hund so vil eeren bewisen hette/der doch gegen
jm nun nit vfgstanden wāre. Denen gab Ale
xander zantwort: Diogenes ist by mir sölichs
an/āhens / das wo ich nitt Alexander wāre/
wölte ich Diogenes syn. Wolt anzeigen/wie
vil er verwunderēs hette ab dē fryē gmūt Dio
genis/vnd namlich/er gloubte Diogenes wā
re/sins fryen gmüts halb/über alle kōnig: wel
ches einem grossen kōnigrych glych ist. Dañ
sind die kōnig darumb glückhafftiger dann
ander lütt / das sy nieman vnderthenig syn/
vnnnd an niemands durfft kommen müßend/
so ist on allen zwysel ein rechter Philosophus
über sy all/welcher das vil besser / dan alle kō
nig hatt. Biewol Alexander onch vermeint
das

das Alexander sin/ ettwas wytters wäre dan
nun sonst ein König sin.

Es begab sich / das er vff ein zyt sin har
an der einen syten seines houpts durchhinweg
abgeschoren hat/ vnnd in ein mal saß/ da nie-
man dan jung gsellen wß/ die hatted ein vnwil-
len an jm/ vñ als er dennocht by inē syn wolt/
schlögend sy jm die hut voll/ vnnd ließend jnn
louffenn. Also thet der güt Diogenes eins/
vnnd schreyb die namen der selben gsellen vf/
namlich ein jeden vff ein bsondere zedel/ häckt
demnach die selben zedel an sin stirnen / vnnd
gieng in Leuconem/ ein gemeinen plas/ an dem
man zü griecht sitzt / also genant. Da sach
man an den maasen/ dz er vbel gschlagen wß/
vnd an den zedlen wer es thon hat / das also
die thetter vor aller wält verschreit vñ beschol-
ten wurdend.

Diewyl er siner Sect halb Cynicus/ das
ist/ hündisch wolt genembt sin/ vñ von menck-
lich hund gnembt ward/ Lobt in gemeinlich
jederman in sinem fürneimen/ es was aber nie-
mand lustig sin orden an zneimen. Darum
sagt er also: Ich bin ein hund der jederman
wol

wol gfallt / es wil aber deren / die ein wol gfallē
an mir habenn / keiner / mit mir armen hund
gen jagen gan .

Als sich einer rümbt wie er in den Pythi-
schen kämpffen / die dem abgott Apollini zu
eeren vffgericht warend / vil man vberwundē
hette / sprach Diogenes zu jm / nit man / aber
gfangne man . Welches in Griechischer
sprach / in derē die wortt garnach glych sind /
bas lutet . Dañ Andras man / vnd Andra
poda / gfangne man heist . Wolt anzeigen
das die jr läben in wollust fürtind / wärind ge
fangen lütte / so doch ein rechter Philosophus
den wollust vberwunde / welches ein grössere
eer wäre / dañ in denē kämpffen einē der dem
wollust ergäben ist / vberwinden .

Es hat in einer glade er solte mit jm znachte
assen / dem schlug ers ab / vnd wolt nit kommen .
Do er gfragt ward / was doch die vrsach wä-
re / sprach er : Das ist die vrsach / dz do ich ge-
ster kommen was / hat mir nieman daruñ däck
gsagt . Meint also : Der gemein man wölte
das so man einen z gast lüde / solte der gladen
jm vmb das mal hohen danck sagen / das wöl-
te er

te er/der Diogenes/nit thün/ ob er glych arm
vnd gastladens notdurfftig wäre: dann man
sölte jm viñ das er käme/ billich dancksagen/
diuwyl er sin ürtē / mit dem das er mit siner
philosophy vñ gütē leer/den wirt vñnd dgest
spystē/für vnd nit hinder gebe.

Es begab sich dz er Demosthenē/ do er noch
gar jung was/ in einem wirtshuß in offner ürtē
by liederlichē gsellen süßē fand/ vñ Demo
sthenes/ als er Diogenem ersach/ sich in ein
winckel verschloß/ der meinung sich vor Dio
gene/ vor welchen er sich des zächens schämt/
zü verbergen. Do sprach Diogenes: du wirst
mit der wyß nun dest mer im wirtshuß syn.
Vermeint wenn er in dem wirtshuß by dem
wyn süßen/vnd sich deñ so erbar lüt hāryn kä
mind/vor den selbē/ als ob er an einer schant
lichen thaat ergriffen/verbergen wölte/ wur
dind sine gsellen/by denē er gefāssen/so vil de
ster mer von jm zūsagen haben. Dañ by dem
wyn süßen/ wäre einē der es für sünd vnd vn
recht hette/mer dañ dem der es vß vnuerdach
tem müt thette/vnd es nit für vnrecht hette/zü
verwyssen. Darum stünde es einē jungē bas
an/dz er vß dem wirtshuß/dañ daryn/fluhe.

Als

Als vil frömd der lüte zū Athen wārend / vñ
Demosthenē den verrümpften redner gern ge
sehen heitend / strackte er den mittel finger vñ /
vnd zeigt mit dem selben vff Demosthenē vñ
sprach: Das ist der Demosthines der herrlich
redner zū Athen. Dische haat ist also zūerst:
Der finger / der dem Lumen der nechst ist /
heißt der Zeiger / daruñ das man mit dem sel
ben vff ein ding zeigt: Der nechst darnach
wirt der mittelfinger gnenbt / der was by den
altē schmächlich / vñ ettlicher vrsach halb / nit
not hie zū melden / vñeerrlich geachtet. Diewyl
nū Demosthenes by menckliche vnmañlicher
thaaten halb verschreyt was: wolt Diogenes
nit mit dem gwonlichen finger / namlich mit
dē zeiger / sonder mit dē mittelfinger / als vff ei
nen vnredlichen vñ verlümbdetē man / zeigen.

Es was einem ein stuck brott enpfallen / vñ
als er sich schambt das selbig vñ zueñmen / nam
Diogenes ein krüz / zog den selben an dem
herd vmbhin / wolt disem anzeigen / wie es jin
so übel anstünde / das er das brott also vmb
hin ligen liesse.

Er sagt zū mengem mal / vil lüten wāring
über

ober den finger vß vnfinnig. Sin meining was/welcher yemer dar mit dem mittelfinger nit mitt dem zeiger/wie man sol/vff alle ding zeiget/den achtet man nit by güter vernunfft sin/dargegen meint man der syge by sünden/der den zeiger darzü brucht. Das wäre nun ein klein ding/vñ achtete man dese vil/so wärind dargegen vil lüt /die vil grösser thorzheiten be giengind/dañ das wäre/desse nieman achtete vñ sy daruñ für vnfinnig hette. Desglichen bschicht vff den hüttigen tag. Vatter vñ müter habend güt sorg das die kind nit lingg wär dind/flyssend sich aber schlechtlich / das sy nie böß wärdind.

Er bschallt die lüt das si so toub vnd vnfinnig wärind / dz sy kostliche ding vmb ein süßling / oder vmb nüt hin gebind/dargege aber vnachtbare schlächte war vmb groß güt kouff tind. Als namlich: Einer gäbe hundert vñ fünffvndzwenzig kronen / damit man jm zu eeren/ein bild vffrichte/dargege gebe einer ein fiertel mäl vmb vier krüzer. So man des bilds nit notdurfftig/vnnd des mälts gar notdurfftig wäre. Darumb eintwäders die bilder wolfeiler/ oder das mäl thürer sin solte. Dio genes

genes achtet das thür vnd kostlich syn/ on das
man nit köntenach möchte läben.

Er sagt ein wyser man wurde niemer man-
gel haben/vñ damit er sölichß bewäre möchte/
gab er dsach also für: Alle ding sind d' götterē/
die wysē sind d' götterē fründ/ vñ fründ habēd
alle ding gmeīn/ daruñ sind alle ding d' wysē
glych als wol als d' götterē. Daruß dann wol
get/ die wyl alle ding der wysen wärind/ so
wurdind sy keiner dingen mögen manglen.

Als er ein wyb sach/das sich vngebürlicher
wys/ vnd so vast vor den Götteren buckt/ das
jren hindē etwas fürhin gieng das solt verbor-
gen syn/do gieng er zū dem selbigen wyb/ vnd
sprach: wenn der Gott/ der dan allenthalben
syn sol/hinder dir staat/ so sicht er wie du dich
so vnzüchtiglich stellst. Wolt jren anzeigen
das wölte sy Gott dienen/solte sy es mit züch-
ten thün.

Er sagt der fluch wäre ouch über jñ font-
men/ der in einer Tragedi stünde/namlich:
On huf/on/on statt/on vatterland/arm/vñ
ellend.

D

Er sagt wie er das glück mit einem vnuerzagten hertzen/das gfaßt mit der natur/die an fächungen mit vernunfft überwunde. Dañ mit disen dryen stucken mag einer ein rüwigs läben überkōmen vnd behalten. Dañ gange es einem wie es wolle / so ist nüt bessers / dann vnerschrocken syn: mache man was gfaßten man welle/so ist die natur über alle gfaßt/vnd welcher sin läben der selben nachricht/der bedarff keiner gfaßten: kömmd alle die anfechtungen die yenen sind / so mag sy der wyßmann mitt vernunfft dāmmen vnnnd überwinden.

Der groß Alexander kam vff ein zyt zū jm/ zelügen was er thäte/ vnd wie er läbte / do fand er jnn vor sinem faß sitzenn / vnnnd zedely vstymen oder zūsammen bappenn. Als aber der kōnig vil mitt jm geredt / vnnnd hinwäggon wolt / sprach er zū jm: Lieber Diogenes besinn dich was du vonn mir begären wollest: dann was du begärst / das wil ich dir geben. Diogenes sprach: Gange eins kleins wyle da dannen. Alexander gieng dannen/ meint er wölte sich besinnen was er hōusehen wölte. Do aber Diogenes lang schweygz / sprach

sprach Alexander: wolan Diogenes wilt ettwas so sag es. Diogenes sprach: Ich hab nit anders wollen / dann das du mir von der Sonnen dannen giengest / vordere du mir stündest.

Bff ein andere zyt kam Alexander abermals zu jm vñ sprach: Ich hör du habest grossen mangel / bin daruñ hie das ich dir hilff bewyse / vñ ettwas handreichung thüge. Diogenes antwortet jm also: Ich weiß nit / ich gloub aber du sigest ärmer / vñnd habest grosseren mangel dann ich: diewyl ich an einem mantel vñnd wätschger gnüg hab / vñnd mir ouch nit mer wunschete / so du dich an dinem ererbten königrych nit vernüge laßst / sonder dich allein daruñ in grosse gfaar gibst / damit du mer landen vñ lüten überkömest.

Als einer mit einem Sophistischn argument Diogenem bereden wolt er hette hörner / do greiff Diogenes an sin stirnen vñnd die schlaff / vñ sprach: Nun kan ich sy doch weder sehen noch gryffen. Wolt also den schüzten ehe verieren / dann mit einem anderen argument widerwysen.

Zenon der Philosophus laß in seiner schül/
vnd vnderstünd mit subtilen argumenten ze=
bewären/ es wäre nit in der wält / das ein be=
wegnuß habe. Als nun Diogenes damals
ouch in der schül was vnd das hort / stünd er
vf/ steng an hin vnd har gon/vnd in der schül
vf vnd nider spacieren/damit Zenon vnd sine
jünger sehind das er sich bewegen möchte.
Dorab verwunderet sich Zenon/vnd sprach:
Diogenes was tribst? Diogenes sprach: Ich
wil din leer widerwysen. Wolt jñ anzeigen
es wäre ein vnnüße hochfart an jñ/das er zü
erzeigen sin gleerte vnd gschwindigkeit/vnder
stünde zü crwysen das nit wa ar wäre.

Es kam ein Sophist zü jm/ der wolt ouch
sin kunst an jñ bewysen/der argumentiert al=
so: Was ich bin das bist du nit. Diogenes
ließ das nach. Do für er für/vnd sprach: Ich
bin ein mensch/so bist du ye kein mensch. Dio=
genes antwortet also: Du müst din argumēt
an mir anheben / so wirdt es recht werdenn:
Vermeynt der schüz wäre nit wärt das er
recht mit jñ disputierte/ vnd anzeigte wo der
mangel oder fäler iñ argument wäre. Dañ
hette er das argument an dem Diogene ange=
fangen

fangen so wäre es also kommen: Was Diogenes ist/das ist der Sophist nit: Diogenes ist ein mensch/ darumb ist der Sophist kein mensch.

Es was einer der thet sich grosser künsten vñ/ vnd sagt vil vom himmel vñ sinem louff/ Diogenes hort das/vnd sprach: Min güter gsell/lieber wie lang ist es/ sid das du von himmel härab kommē bist: vermeint er sagte von sachen vmb die jm nit zu wüssen wäre.

Es hatt einer/über den gar ein böß gschrey gieng/an sin hufstür geschriben: Was böß ist sol zu der thür nit ynkommen. Disen spruch ersach Diogenes/vnd sagt: wo mag doch der herr dises hufes hinyn gon. Der iñ hufß daheim was/meint nit böß lüt/sonder böß glück. Diogenes aber zog es vff böß lüt / vnd meint wenn böß lüt nitt in das hufß gon soltind/ so müste doch der herr selb dauß blyben.

Als er vff ein zyt kostlich salb/damit die lüt ire höupter salbend vnd wolgeschmactt machend/überkommen hatt/nam er es vnnd salbet damit sine füß. Vnd als sich die lüt dorab

verwundertend vñ in fragtend: waruff er die
füß/nit das haupt/wie ander lüt/salbeta. De-
nen gab er die antwort: daruff das der güt ge-
ruch von dem haupt in die lufft vffstigt/vñ der
gestalt dem menschen nit znuz kombt / so er vñ
den füßen obsich der nasen zütringt/ vnd also
ein menschen wol thüt.

Die Athenienser vermañtend Diogenem
er solte sich zü einem priester wyhen lassen / da
rumb das die gwychten by den abgestorbnen
in grossen eeren syn wurdind. Diogenes gab
inen zü antwort: Das ist mir wol ein seltsa-
mer schimpff / wenn Agesilaus vñnd Epa-
minondas im kaat stecken müßend / vñnd
Paretion der ein so grosser dieb ist / sambe
anderen nütßöllenden lüten by den seligen syn
söllend. Wolt hiemit den bosshafftigen gytt
der pfaffen schelten vñnd straaffen/ die allein
vñ gwüß willt / das arm gemein vnwüßend
volck in ein sölichen aberglauben fürtind vnd
sy beredtind / das sy sich liehind wyhen / vñnd
gloubtind das sölichs inen zur seligkeit fürder
lich syn solte / so doch die seligkeit herrlichen / tu-
gentrychen vnd frommen lüten bereit sye / sy wä-
rind dann gwycht oder vngwycht.

Es

Es begab sich vff ein zyt/ das er vñ dē bad
kam/do fragtend in etlich ob vil menschen im
bad wärind/sprach er: nein. Demnach frag-
tend in ander/ ob vil volcks im bad wäre/ sagt
er/ ja. Wolt also anzeigen der namen mensch
fügte vnd geburte nit ein yeden.

Man sagt ouch das Plato vff ein zyt in
der schül geläsen/ vnd vnder andere den men-
schē also beschribē habe: der mēsch ist ein zwey
füßig thier das kein säderen hat. Die selb be-
schrybung habe den zühörerenn vnnd jünge-
ren Platonis trāffentlich wol gefallen. Do
sige Diogenes hingangen/ habe einen hanen
genommen/ den selben also läbend ganz su-
ber gerupffe/ vnnd Platoni in sin schül louf-
fen lassen/ vnnd gesprochen: Sich/ das ist ein
Platonischer mensch.

Einer fraget in/ vñ welche zyt es am besten
wäre dē imbis zū äffen. Dem gab er antwort:
Ist einer rych/ so mag er äffen wenn er wil/ ist
er arm/ so müß er äffen wenn ers hatt.

Zū Megaris in d' statt sach er d; die burger dē
schaaßē die wollē wüters zits liehind/ damit sy

D iij

vor dem frost vnd der keltē deſter baß hinkom-
men möchtind: dargegen aber lieſſend ſy ire
kind wol halb nackend gon/ do ſprach er: Zu
Megaris wolte ich lieber ein ſchaaß / dann
eins burgers kind ſyn: vermeint die burgers
kind müßind in zwilchen gon/ ſo die ſchaaß
güt belgröck hettind. Man findet aber in et-
lichen hiſtorien / das die Megarenſer ire kin-
der liederlich erzogen habind.

Es trüg einer ein langes vñ ſchwäres holz
über die gaſſen / der ſtieß Diogenem darmit
an ein oz/ vnnd ſprach darnach erſt: hüt dich
gſell. Zu dem ſelbē ſprach er: Ich ghör wol du
wolteſt mir nach ein öring geben.

Ein anderer thet jñ das ouch / nämlich dß
do er in geſtoſſenn hatt/ ſchrey er erſt nahin er
ſölte ſich hüten. Do wuſcht Diogenes vñ/
erzuckt ſinē ſtücken / gab jñ ein güts vñ dlüß/
vnd ſprach darnach ouch: hüt dich. Bezalt
jn alſo.

Er gieng vff ein zyt heiters tags mit einer
brünnenden kerzen/ die er in einer laternē hat/
vff offnem marekt vñ vnd nider / als ob er et-
was

was süchte/vñ do man in fraget/was er süchte/
te/sprach er: Ich süch menschen. Vermeint
es wärind deren wenig in der statt.

Er ward ein mal mit vil wasser bschütt/al
so das er stünd vnnd allenthalb an sinem lyb
raß was/vnd trof wie ein mus. Deshalb vil
lüt/die vñ in stündend/erbärmtd mit jm hat
end/vñ vngern sahend das jm die schmaach
lewisen was. Do sprach Plato/der domals
auch ongsärd da stünd: Wellend jr mit Dio
geni erbärmtd habe so gond vñ jm/ vermeint
Diogenes wäre so eergyttig/dz er das für ein
güek/nit für ein vnfal hette/vñ ye mer lüten
dis sehind/ye lieber es jm wäre.

Als in einer mit flacher hand in das an
gsicht schlüg/sprach er: Ich hat nit gwüßt dz
ich mit einem helm här für an marekt kömten
bn. Nañt die flach hand ein helm. Nüt an
des thet er zur selben sach.

Es was einer mit namen Midias/der hat
es für ein kurgwyl vnnd schimpf die lüt mit
flacher hand in das angesicht züschlahē/doch
trüger die büß allwäg by jm in der täschenn/
D v

damit er sy also bar geben könte. Der kam nū
ouch an Diogenē/schlug in mit flacher hand
an kopf/vnd sprach: daheim vff minem tisch
ligt die büß/ist wie es syn sol/hundert vñ fünf
vñ zwenzg kronē. Volt in also dran verrier/
als ob jm wol wäre das er ein so hüpsche sutē
gelts für ein mulwaffen empfienge. Dio-
genes schweyg still / gieng hin / lügt mornde
ymb ein güten kolbenn / wie man die vff de
secht schül brucht / den schlug er / dem Midia
an sinen kopff / vnnd sprach: Midia die büß
findest daheimen vff minem tisch. Mit we-
cher thaat Diogenes anzeigt / das es jm nte
glegen wäre / einem yeden vnflaat ein streyh
zuhalten ymb hundert vnd fünf vnd zwenzg
kronen. So wäre ouch nit ein yeder wärt/
das man sich an siner vnbill nit wyter dañ die
büß antrifft / rächen solte.

Als man den philosophis gemeinlich da-
rumb übel redt / das sy eintweders nitt glaub-
tind das gött wärind / oder aber sonst vff jren
nüt hieltind: do fraget Lysias den Dige-
nem / ob er ouch gloubte das gött wärind.
Diogenes antwortet jm / vnd sprach: wi solt
ich das nit glouben / so ich doch der meinung
gerlich

genzlich bin/die Götter sind dir gar abhold/
vnd werdind dich mit der zytt plaagenn.
Wolt also dem gemäldten Lysie mitt / wie er
gern gewellen hett / antwort gebenn / sonder
schmaachred mit schmaachred schlafen/vnd
ableinen.

Es was by den Heyden ein alter bruch /
das wenn sy sich mitt ettwas vnrechts vnd
sünden vermaasget hattend / giengend sy zu
ettlichen darzu gewychten wasseren/sich dar=
mit abzwäschen vnd zereinigen. Als nun
Diogenes einen sacht / der sich mitt sollichem
wasser bespranngt / sprach er: Du armer
mensch / hettest du in der Grammatica ge=
fält / vnd incongrue / das ist andereß dann
der spraach ardt vnd eigenschafft vermag/
geredt: so möchte es dir kein wasser abwä=
schenn. Wie vil minder wirdt dir dann das
wasser die vnlufterkeit / vnd den wußt dy=
nes sündlichenn läbens abwäschenn mö=
gen? Vermeindt es wäre ein grosser aber=
glauben / vnd ein vnerhörte thoheit an den
menschenn / das sy gloubtind / das ein solichs
empfindlichs vnd vßerlichs Element / als
das wasser ist / solte den wußt vnd vnrhaat/
der

der in des menschen hertz ist / möge abwäsche /
so doch sy sich selbs mit hinlegen böser anfech-
tungen / nit reingetind.

Glycher wyß hasset er ouch den aberglou-
ben der wält / den sy im vßlegenn der tröumen
zebruchen gewon ist. Verspottet aber die / so
tröum übel enkfassent / also: Was jr thünd /
diuwyl jr wachend / des habend jr kein acht /
vnnnd fragend aber dem sorgfältigklich nach /
darmit jr im schlaaff vmbgond. Wolt jnen
hiemit anzeigen / das es zum glück vnnnd vn-
glück der menschen dieneete / mitt allein deren
dingen darmit wir im schlaaff vñngond acht
haben / sonder ouch deren so wir wachende vol
bringend / warnenñen. Dañ wañ einer wa-
chend etwas böses thon hatt / ist es besser er
fürchte Gott vññ das selb / vñ bessere sich / dañ
das er jm vmb das fürchte das er im schlaaff
gesehen hatt.

Als in den Olympischen kämpffen vßge-
rufft ward: Diorippus hatt die man überwü-
dē. Besseret Diogenes dem vßruffer sin red /
vnd sprach: Diorippus hat gfangen lüt über
wunden / ich aber hab mañ überwundē. Wolt
hiemit

hie mit zu verstoß gebē/ das die in den selbē kām
pfen strittind/lybeigen lüt/vñ die von dem eer
gyt gfecklich behafftet überwundind/ aber ein
Philosophus überwunde man.

Als Philippus der könig Macedonie die
statt Cheroniam belägeret/vnnd daruor ein
mächtige züg hat / kã Diogenes ouch dahin/
vnd ward von etlichen knechten gefangen / vñ
dem könig zügfürt. Als nun könig Philipp
Diogenem/dē er noch nit kañt/ ersach: schrey
er: Du vßspäher. Diogenes sprach: Ja ich
bin ein vßspäher / dann ich darumb hiehär
kommen bin/das ich din vnfinnigkeit vßspä
he/ vnnd lüge wie du so toub sigest/das du an
dem königrich Macedonie nit vergüt hast/
vñ dich vñ mer königrich willen/ die du gern
hettist / in grosse gsaar dines läbens / vnd des
yesigē königrichs begebē hast. Ab diser fryen
red Diogenis verwunderet sich Philippus/
vnd lieh in gon.

Als der groß könig Alexander dem Anti
patro ein brieff züschickt by einem botten der
Athlia hieß: was der zyt Diogenes ouch da
selbst/vnd sprach: Athlius schickt dem Athlio
durch

durch den Athlium einen brief. In welcher red zumercken ist / das Athlius sonst ein Griechisch wordt ist / vnnnd heist in Dütisch / arbeitsfelig. Darumb sin red also lutet: Der arbeitsfelig / schickt by dem arbeitsfelig / dem arbeitsfelig einen brief. Bermeint groß Fürsten vnnnd Herren wärind arbeitsfelig lüt / vnnnd mit jnen alle die / die jnen dienen müstind.

Der könig Alexander lüd in vff ein zyt / das er by jm äße / Diogenes aber schlug es jm ab / vnnnd wolt nitt kommen. Perdicca ein Landuogt vnnnd diener des Königs / trouwt jm / wolte er nitt kommenn: so müste er sterben / vnnnd er wolte jn töden lassenn. Diogenes sprach: Du begiengest dennocht kein grosse vnnnd Ritterliche thaat / wenn du mich glych todtest: diewyl du nütgid grössers thätst / dan das ouch ein Meylander käser vnd ein erdspinn thun möchtend. Wolt hie mit Perdicca / dem diener Alexandri / anzeigen / das er vnnnd andere / die mitt jm nüt zeschickenn vnnnd zeschaffen hettind / desten sälliger vnnnd glückhafter wärind. So achtete er ouch sin trouwen nitt höher / dann die gfaar

gfaar / so jm vorn der kleinen thierlinen ei-
nem züston vnnnd begägnen möchtind. Doch
sind die genantte zwey thierly ganz vergiffte
vnnnd schädlich. Dann Cantharis / das
wir ein Meylander käser genennet habend/
ist ein kleiner grüner käser: ganz vergiffte.
Phalangium aber das ander / ist der byssen=
den spinnen eine / die ouch ganz vergiffte sind/
doch sind der selbigenn keine in Düttschenn
landen / ouch in Italia nitt / andereft dann
allein in Apulia.

Er beschalt die menschenn / die aller jrer
vnfälen schuld vff das glück trächenn wol=
lend / so doch sy / die menschenn / selbs schul=
dig sigend: als die vorn dem glück nitt was
waarlich vnnnd eigentlich gut oder nusslich
ist / sonder allein was sy nusslich vnnnd gut
dunckt / begärend. Vermeint die menschen
soltind es den Götteren heymsetzen / vnnnd sy
bitten / das sy jnen gebind was jnen nuss vnd
gut syn möchte. Es solte ouch keiner den
Götteren die schuld des vnfaals vsträchenn/
den er selbs von den Götteren vnwissend be=
gärt hette.

Er

Er sagt die Götter wärind geneigt vnd gü-
willig den menschen das läben zu gebē/ es wä-
rind aber der lüten wenig/ die da grundtlich
wüßtind was läben heisse vnd sye/ die wyl vil/
vnd garnach der mertheil/ den wollust/ das
güt vnd recht läben achtetind/ so doch die wys-
heit/ nit der wollust dem menschen ein recht/
güt/ still vnd rüwig läben brächte. Darumb
so die Götter den menschen nit das recht läben/
sonder an stadt des selben/ ein wollustigs vnd
wybisch läbe gebend/ söllend die menschen nit
die Götter/ sonder sich selbs/ die des rechten lä-
bens nie begert/ schuldigen.

Es begab sich das einer der so weychs vnd
wybischs gmüts was/ das er sin knecht jm die
schüch anlegen ließ/ das sach Diogenes/ vnd
sprach: Es stadt noch nit recht vñ dich/ aber
es wirt recht werden/ wan er dir ouch den ars
wüschē müß: Das wirt beschehen/ so du vñ
die hend kommē bist. Vermeint es wäre doch
ein schand/ das einer/ der selbs hend het/ vnd
die zu sines eignen lybs notdurfft nit bruchen
mag/ ja es wäre nit minder ein schand/ das ei-
ner jm liesse die schüch anthün/ so er es doch
selbs thün möcht/ dan so einer/ d sin notdurfft
thon

thon hette/jm lieffe/ mit züchten / den hinderz
wüschē. Hieby sieht man abermals wie di-
ser Heid vil Christen übertrifft in dem/ das er
so gar nüt vff weyche vnd wollustige läben ge-
halte hatt. So doch vil ouch geistlich genahte
personē diener zū d' glichen jres lybs notdurf-
ten erhaltend. Welches aber Diogenes an ei-
nem heiden gescholten hatt.

Es begab sich das einer ein silberne schalen
vß der Statt schackamer verstälen wolt/ vnd
von den Herren/ die über das vnd anders der
Statt güt geset vnd pfläger warend/ fry an-
frischer thaat ergriffen / vnd die wyl kein an-
dere der Statt diener domals zügegen wa-
rend/ glich von jnen/ in die gefäncknus gfürt
ward. Als nun das Diogenes ersach/ schrey-
er überlut/ vnd sprach: Lüg zū/ lüg zū/ wie die
zwen grossen dieben ein kleinē dieben fürend.
Wolt hiemit den dieben nit in sinem diebstal
schirmen/ vnd ein oberkeit schelten in dem/ dz
sy das übel straaftte/ sonder darmit anzeigen/
das in vilen stetten vnd landen die blaag sye/
das die oberē den/ der ein guldi zwen/ dry/ mer
oder minder gestolen hanckind: vnd jren etz-
lich dargegen vil grösser dieben wärind / als

Ⓔ

die sich in gemeiner statt gut warntind/ vnnd
darmit rych wurdind.

Er sach vff ein zyt ein jungen bösen büben/
der mit steinē an galgen warff/den bschrey er/
vnd sprach: Büb lüg das du nit din grab träf
fest. Vermeint er liesse sich schier also an/ als
ob er mitt der zytt an den galgen kommen
wölte.

Es kamend vff ein zyt vil böser bübenn
zü jm/ die schzüwend jm lut zü/ vnnd spra-
chend: Hund / hund/ vnnd fluhend darnach
dannnen/ als ob sy furchtind er wurde sy schla-
hen. Diogenes aber sprach: Sind nun
güter dingen lieben büblin/ jr bedörfend üch
nitt zefürchten vnnd zefflichen/ ich bin nit ein
hund der vnfrut frässe. Wolt hiemitt an-
zeigen/ es wurde nitt vil rechtgschaffens vß
jnen werden.

Als er einen sach vil geprengs tryben in ei-
ner löuwen hut die er an hat/ sprach er: Lieber
hör vß die fleidung der tugend züschanden ma-
chen. Meint es stünde einem weichen man nit
zü/ das er in einer so herrlichen fleidung wie
Hercules/

Hercules/der allwägen löwen hut an hat/
dahar trätte.

Do ettlich sagend / wie dem Callisthe-
ne so wol wäre / das inn der könig Alexan-
der so hoch hielte / vnnd in allwäg an sinem
tisch hette. Vermeint Diogenes nein/denn
es wäre im vonn des wägen nun dester wirfs-
diewyl er zu imbis vnnd zu nacht assen müß-
te / nitt wenn er / sonder wenn Alexander
wölte. Wolt hiemit anzeigen das nitt über
die fryheit syge: Wiewol es sich darnach er-
fand / das Diogenis meinung waar ist.
Dann diser Callisthenes / der dann ein jun-
ger Aristotelis des schulmeisters Alexandri
gewäsen / vnnd villycht dahar mit Alexan-
dro in kundtschafft kommen ist / nit vnläng
darnach von gemeldtem könig Alexander in
gfangnuß geworffen / vnd darinn ellendig-
lich verdorben ist.

Glycher wyß gab er ouch denen antwort/
die den Aristotelē vermeintē glückhafft syn/
darum̄ dz er an königs Philippi hof / vñ A-
lerādi des jungē königs zuchtmeister w: daß
er sprach/ob ich ob Aristoteles glückhaffter sy

E ij

laß ich syn/ das weiß ich aber/ das Aristoteles
nit wenn er wil/ sonder wenn Alexander wil/
äffen müß: so Diogenes äffen mag/ weñ Dio
genes wil.

Ein junger gsell/ der sich mit kostlichen vñ
schönen kleideren gezieret vnd vfgemüzt hat/
kam zum Diogene vnd gab jm ein rätterschē
oder schwārefraag vf/ zū dem selben sprach
Diogenes: Ich wüdt dir vff din fraag kein
antwort gebē/ du sagest mir dan zū vor an/ ob
du eins knābly oder eins meyntly sigest. Wolt
jm anzeigen er möchte wol ein mans bild sin/
die weichen kleider stündind aber einem man
übel an.

Er sach in einem bad ein jungen gsellenn/
mit einem bülerkünstlin umbgon/ den yeder-
man darumb lobt/ das er es so wol könnte/ do
sprach er: Ye bas er es kan/ ye minder es jm
wol anstadt.

Es begab sich vff ein zyt/ das er by einer
liederlichen rott in ein mal saß/ do bschzüwēd
in die selben gsellenn als ein hund/ vñ wurffend
jm die bein für/ als ob er die abgnagen solte.

Als

Als nun der güte Diogenes sach / das er ye jr
hund syn müßt / do wolt er es ouch syn: stünd
vß / gieng hinden an der selben gsellē yetlichen
besonder / hüß den einen schenckel vß wie ein
hund / vnd seicht also an sy. Vnd do sy das für
übel vßnemmen woltend / sprach er: er wäre
doch jr hund / so thete er ouch wie ein hund.

Die redner / vnd ander die allein zytlich eer
vnd gunst süchtend / nambt er drifache men-
schen. Welchen namēn sy vnd ander in güte
vnd bösem verston mochtend. In gütem / als
ob er sy / wie der gemein man / jrer wolberedte /
gleerte vnd fründtligkeit halb / hoch achtete.
In bösem aber / das er meint ein mensch syge /
nach der leer des poeten Homeri / ein armes /
ellends thier: so sigind dise drümal ellender vñ
arbeitßaliger / dann ander lüt / diewyl sy disen
ellenden thieren allen dienen vnd willsaaren
müßind.

Er sach vff ein zyt ein rychen mann / der ü-
beruß vngleert / vngschiekt vnd vnwüßend /
dargegen aber überuß kostlich bekleide was /
do sagt er: Sich zu / wie ein hüßsch guldin
schaaff ist das. Vermeint er trüg wol hüßsche

wollen / es wäre aber wenig kunst darhinder.

Er gieng für eines liederlichen/güldigen vñ
verthügigen manns huf hin / an dem stünd
geschriben es wäre feil. Do er nun den zedel ge
läsen hatt / sprach er: Oho / ich dacht wol der
man wurd nach ein mal als voll werden / das
er sin huf kosen müßt. Wolt hiemit anzei-
gen / das wie ein vertruckne loof so voll
wirdt / das sy spyß vñnd tranck / mit züch-
ten / vonn jr gibt / also habe ouch den sin völ-
le vñd trunckenheit dahin braacht / das er sin
huf von jm geben vñd verkouffen müße / daß
er es vor dem / als es feil gebottenn ward / ver-
tämpfft hatt.

Als jm ein jüngling klagt / das jm vil lü-
ten erzürntend / sprach er zü jm: so lüg du das
sy nit merckind / daß du zornig bist. Ver-
meint es möchte einer speyens vñnd vericrens
nitt bas abkommen vñnd on werdenn / dann
so er sich niemer mercken ließ als ob es jm ver-
drusse. Dann das ist gewiß / wann mütwil-
lig lüt einem ettwas zeleid thünd / vñnd sy se-
hend das es jm nit leid ist / so hörend sy glych vñ
vñd stond ab.

Es

Es was ein grosser feyffer gyger/der mit
siner gygen hin vnnnd har reiset / den schalt
yederman: Diogenes aber lobt in allwägen.
Vnnnd als er gefraaget ward / warumb er es
thete / sprach er: Daruñ / dz so er ein sölicher
gsell ist / vnnnd sich lieber will mit gygen/dann
mitt mördern erneeren. Vermeint er wäre
sonst sins starcken körpels halb/zum mord ge-
schickter dann zur Music: es wäre aber an im
zloben/das er/wie hieuoꝝ gmelde/lieber gygen
dann mördern wölte.

Es was ein anderer gyger/den die wält so
gern hort/das wenn er gygen wolt/yederman
von im floch. Als nun der selb Diogeni vñ ein
zyt begegnet/grüßt in Diogenes/vnd sprach:
Wiß mir willkommen lieber güggel. Der gyger
fraaget warumb er in ein güggell oder hanen
nañte. Do sprach Diogenes: darumb das
wie ein han mit sinem gfang die lüt vñ schlaff
vñ weckt / also weckst du die lüt mit dinem ge-
sang vñ. Er verstünd aber das wort vñ wecken
andereß/dann es der gyger verston solt: nam-
lich / wie ab dem hanen gschrey die lüt ab den
betten vñ stündind / also stündind sy ouch von
den tischen / vnnnd anderen orten da sy sähind

E iij

vf / wenn er anfienge gygen.

Als vff ein zyt vil volcks dahár lüff / vnnd ein wunderschönenn jüngling beschouwete / buckt sich Diogenes / vnd las wickbonen vf / vnd fult sin büsen darmit voll. Do lüff yeder man jm zü / zesehen was er darmit schaffenn wolte. Diogenes sprach: Wie kumpt das jr nit mer den jüngling / sonder yes dan mich beschouwend. Wolt jnen jr gwündrige vnd vn gemeisterte natur anzeigen.

Als einer / der das nachtspenst vnnd vnghör / oder wie mā es nent / die geister / traffenlich übel entzaf vnd forcht: Diogeni trouwt / vnd sprach: Ich wil dir din kopf eins streichs zerspalten / vnd dich also ztod schlafen. Dem gab Diogenes zü antwort: so wil ich nachts zü dir kommen vnd dich erschrecken. Gab jm hiemit zeuerston / das er sin trouwung nit übel entzaf: die wyl er sich an jm / wenn er glych tod wäre / wol welte können rächen / dan wie wol er jn läbend verachtete / so wurde er jn den nocht tod fürchten. Hieby sicht man / das ob glych Diogenes ein heid was / vnnd von dem rechtenn waarenn gloubenn in Gott nit wußt /

wußt / hatt er dennocht ein besseren verstand
vnd glauben ghebt / daß vil lüt vff den hüttigē
tag in dem habend / das sy alle menschen so
noch in läben sind / überbochen wellend / die sy
doch weiß sy abgestorben sind / übel fürchtend.

Einer mit namēn Hegesias / badt in er wel
te im etliche bücher läsen vnd zuerston geben.
Dem gab er die antwort: Mein Hegesia du
bist nit wißig. Was sol es gelten / wenn dir ei
ner gmaalet sygen / vnd recht sygē nabend ein
anderen fürlegte / du würdest die rechten sygē
nehmen / vnd die gmaalten ligen lassen? Al
so soltest du ouch die übung eines tugendrychē
rechtgshaftnē läbes / für die bschrybüg dessel
ben vßnehmen. Mit welcher antwort er die
straaffe / die jr läbenläg die gschriffte d' wylē lä
send / vñ aber darnabēdt sich eins rechtgshaf
nen läbens / wie sy das in bücheren beschriben
findend / keins wāgs flyssen wellend. Daruß
Diogenes die beschribenn thugend einer ge
maalten sygen: vñnd die geübt thugend einer
rechten sygen verglychet. Do nun vngbür
lich ist / das einer in sygen kan ein rechte waal
nehmen / vnd nit in tugenden.

E v

Als jm einer vffhüb/das er ein bandyt vnd
vertribenn syn müßt / sprach er was ist das?
Ich hab darumb in der philosophy gstudiert/
das ich das vnd anders vnglück duldtiglich
tragen köne. Er sagt ouch sonst gegen meng-
lichem / das jm an dem wenig glägen wäre/
er syge vonn sinen herzen verschickt oder nitt.
Dann müße er daussen syn/ so müßind sy da
innen syn. Deshalb er dennocht das besser
hab: dann welcher niemen dan da heimen syn
kan/ der ist viler stetten vnnnd landen bandyt/
welcher allein vß einer statt vertriben ist / der
ist ouch nit mer dann einer einigen statt ban-
dyt. Wiewol das darby/das er als ein philoso-
phus/ allenthalb/wo er hin kömte/dahin sye.

Es begab sich/das er einen sach der vornä-
her etwan in den Olympischen kämpfen ge-
strittē hat/der schaaffen hüten/ zū dem sprach
er: wie bist du so schnell von Olympijs/zū den
Nemeis kömten. Welcher poß in griechischer
sprach baß lutet/dan Nemea sind ouch kämpf
vñ stryt also genaüt von dem ort har / an dem
sy beschähend / wie ouch die Olympischen.
Denach aber so heist nemo / in Griechischer
sprach hirtē vnd weiden/das er also dē gütē
gsellen

gsellen nit von gemeldtem ort/ sonder vß dem
hirten/ sagen wolt.

Es fraaget in einer / wie es käme das die
fächtenyster kein empfindlichkeit hettend.
Dem antwortet er also: Darumb / das sy by
rindfleisch vnd schwyninē erzogen werdend.
Dann die fächter sich vonn jugendt vf gro-
ber spys gebrauchend / dahar dann inen jr lyb
starck / vnnd das gmüt toll vnnd vngschickt
wirdt. Wiewol Diogenes mer von dem/
das sy toll vnnd vnempfindlich am verstand
wärint/dann von der vnempfindligkeit des
lybs/sagen wolt.

Er ward von einem tyrannen gefraaget/
vf welchem erz die besten bilder der fürsten vñ
herren möchtind gmacht werden: sagt er / vf
dem Harmodij vnd Aristogitonis bildtnus-
sen gmacht sind. Wolt anzeigen es wäre nit
bessers/dañ das mā all tyrannen zetod schläge.
Dann Harmodius vnd Aristogiton hatend
tyrannen ztod gschlagen.

Einer fragt in wie Dionysius sine fründ hiel
te/sagt er wie die wischlück/sind sy vol so hecck
ers

ers vf / sind sy lâr / so wirfft ers hin. Meint
wenn einer an Dionisij hof ryck wäre / so tod
te er in / wäre er den arm / so hette er nüt vff in /
ließ in also ein armen troyf syn.

Es hatt einer ein herrlichen tittel an sin huf
lassen stellen / namlich : Des obersten Gottes
Jouis son Callinicus Hercules wonet hie :
deshalb nütid böses in dises huf kônnen sol.
Disen tittel ersach Diogenes / laß in / vnd als
er daby dises menschen tozheit marckt / sagt er
noch dise wort hâr zû : Nach bescheechnem scha
den wiz vnd hüff sâchen. Volt hiemit anzei
gen das ob glych Hercules / wie sy / die heiden
gloubtend / solte vnd môchte alles vnglück vf
fert disem huf behalten / vnd wol weeren / das
nüt böses in das huf kâme / so were es doch mit
dem versumbt / das er zû spaat / vñ nit ehe dan
der herr des hufes / als der gar nüt sollend vnd
böf / haryn kônnen sige / dahin gemalet wäre.

Er sach vff ein zyt einen der das sin nie hat
wellen sparen / in einem gemeinen wirtshuf o
liuen âssen / dem selben sagt er : Hettest also zû
imbis geâssen / so müstest yetz nit also znacht
âssen. Vermeint das er die schlechte spyß / vñ
deren

derē wenig znacht äße/wäre nit siner huflich
keit schuld/sonder desse/das er sich ob dem im
bis so vil überassen/das er yetz nit mer in den
sack möchte bringen. Dann kein ding dem
menschen das nachtmal basz gschmackter ma
chen mag/dann ein zimlicher vnnnd mässiger
imbis.

Den gyt vnd alle bösen begirden nannt er
ein vrsach alles bösen. Welches ouch andere
wysen sagend.

Wenn man von bildtnussen der Götten
zereden ankam/sagt er allwäg: fromm biderb
lüt wärend rechte bildnussen der Götte. Der
Götten natur ist fromm syn/güts thün vnd
niemand schedigen. So nun die Götte vn-
lyblich sind/mögend sy niener mit basz vnd ei-
gentlicher/dañ mit denen/die das zethün ge-
won sind/angbildet werden.

Die hültschafft nannt er der müssiggengerē
arbeit. Vermeint dise ansächtung besesse die
am allermeysten/die müssig giengind/vñ we-
nig zethün hettind. Dohar es sich begibet das
so sy müssiggang süched/erst in recht schwere
arbeit

arbeit vnd grosse übelzuyt fallend / vnd destoche
darby nüt güts schaffind.

Er ward gfraget / was in allem menschli-
chem läben am aller arbeitssäligisten wäre: do
sagt er: Ein alt man der arm ist. Dann dem
selbē an vnuermögligkeit des lybs / vñ alle an
deren dingen abgangen wäre / er möchte sich
nit selbs erhaltē / so wäre er denē vnward / mit
dero hilff er müste erhalten werden. Daruff
so einer sich selbs vor armüt vnd mangel wil
bewaren / sol er ettwas lernen / vnd von kinds
wäsen vf vmb güte fründ lügen / das ist ein al-
ten man die best zecrung.

In fraaget einer welches thiers bissz der
schädlichst wäre / dem gab er den bscheid: Vn-
der den wilden bissz keins wirsz / dann ein hin-
derreder: vnder den zamen aber ist keinse bissz
schädlicher vñnd vergiffter / dann des zens-
lers oder liebhosers. Dann welcher ein gü-
ten gsellen hinderzugs vfricht vnd verrätscht /
der thüt jm grossen schadē / diewil er vnwüßed
gschediget wirt / vñ sich deshalb nit kan weere.
Der liebhoser aber thüt der glychē als ob er ei-
nem wol welle / so er jn schediget.

Als

Als er sach zwen Centauros/die mit einan
derē strittend/an einer wand gar übel gmalet/
sprach er: Ich wüßte nit welcher vnder disen
zweyen der böser wäre. Volt also dem zwey-
uerstendigen wort: böß / des maalers vnges-
chickligkeit/verdacker wyß straaffen / dann
er das wort böß vff das gemäl / vnnd vff die
gemaalten Centauros ziehen mocht. Hie
ist zu wüssen / das Centauri völkler sind in
Thessalia/welche oben für menschen/vnd vn-
denus rossgastalten habend.

Wenn Diogenes einen hort vil güter wor-
ten bruchen / die jm aber nit von herzen gieng-
ged/sagt er: diser henckt de an ein honig strick.
Vermeint er wolte jm mit güten süßen wortē
vnuersächner sach erwürgen.

Wenn Diogenes einen sach der dem fräße-
sen vnd suffen so ganz vnd gar ergebē was / dz
er das sin als verhart/naht er jm Charybdim.
So was aber Charybdis ein so grosser wirbel
im meer dz er die schiff mit lüt vn̄ güte vnd sich
zog/vñ also zeredē/verschluckt:denach weñ es
alls verderbt waz an andere ort wider vshwarff.
Also thünd ouch die volle zapfē die huf vn̄ hof-
ligende

ligende vnd fahende güter verzerend / vnd den
vnrhaat oder vnnützen wüß vnd gstanck offte
wider vßwerffend.

Als einer mit namēn Glychling an dem
ebruch ergriffen / vnd Diogenes gefragt
ward / wie man in solte straffenn / sprach er:
Man solte den schelmen an syn nammen hen
cken. Sin namē was Glychling / wie obstat.
So nembt man die gmächte von zucht wägē
glychling. Darumb meint Diogenes die wyl
der schelm mit den selbē gfündet hette / so solte
er ouch an die selben vfghenckt werden.

Ein Physicus / das ist arzet oder leerer na
türlicher dingen / fraget Diogenem / was vr
sach wäre / das das gold bleich vnd gälw wäre.
Diogenes sprach: Darumb das es vil hat
die im vffsetzig sind / vnd tag vnd nacht nach
stellend: deßhalb es in stäter forcht vnnnd sorg
ston müß. Wie daß die natur zügibt / das wel
che forchtsam vnnnd angsthafts dings sind /
ouch bleicher vnd gälwer farb sind.

Als er ein wyb in einem vergätertten sessel
sizen sach / sprach er: Das loch ist nit für das
gwild.

gwid. Meint ein wyb syge also ein wildes bö
ses thier/das es in ysen ligen/vnd nit so lieder=
lich versperret syn solte. Dann dise säffel ett=
was gätterwerchs zü beiden syten hatten / die
Diogenem an ein loch oder ort/ da man die
löuwen/bären/wölff ald andere wilden thier
innhalt/manntend.

Ein lybeigner mensch was von sinem her=
ren entlossen/der saht sich zü einem sodbrun=
nen / der meinung ettwas schirms by dem zü
haben: dann die sodbrunnen vor zyten in so ho
her achtung gewäsen sind/ das man ein übel=
thätter der sich dahin gsetzt/als wenig daden=
nen/als von einem alter/ oder vß einem tem=
pel/ oder ouch von eines landsherren bild zie=
hen mocht. Zü disem sprach nun Diogenes:
Min güter gsell lüg das du nit vßhin fallist.
Das mocht er wol in zwe wäg verston/nam=
lich vom brunnen by dem er saß/vnd von sins
herren huf/vß dem er entlossen was.

Do er vff ein zyt in ein vnsuber vnnd wüß
bad kommen was/sprach er: Wo badend die
lüt/die hinnen badend. Meint wenn einer in
ein bad gienge/so thette ers daruñ/dz er welte

ß

suber werden/so hette sich einer in dem bad ehe
bsudlet/dann gsuberet.

Er gieng vff ein zyt für ein ölbaum hin/vff
als er sach/das sich ettliche wyber an dem er-
henckt hattend/sprach er: Das Gott welte dz
alle boom solche frucht trügind. Meint er het-
te so vil vff wyberen/das er wol möchte lyden/
sy wärind alle erhenckt. Er was ouch den wy-
beren ganz fynd vnd abhold.

Als jm einer begägnet/von dem ein gemein
gshrey vsgangen was/wie er über die greber
bräche/vnnd die todten vszuge/den sprach er
mit einem spruch Homeri an:

Dist hiehär kommen lieber fründ
Dasd broubest die vmbkommen sind.

Er sach ein jungen gsellenn/der villycht
wol bezächt was vff der gassen offentlich wi-
der alle zucht vnd erbarkeit ligen vnd schlaaf-
fen/den stupfft er mit sine stäcken/vnd sprach
in an mit einem vers Homeri:

Stand vf güt gsell/erwach/biß fräch/
Das dich keiner in dim schlaaff erstäch.

Es

Es was ein junger gsell der sich der trun-
ckenheit vnd frässery so gar ergäbe / das er nüt
zid anders thet dann zächen / den sach Dioge-
nes an / das er in diser vnmaaf sich selb ehe zyt
vmbs läben bringen wurd. Darumb sagt er
in disen vers vß dem Homero:

Ach min kind allerliebster son /
Der gstatl wird ich bald vñ dich kon.

Als Plato der träffenlich vñnd hochge-
leert philosophus / von den Ideis / das ist von
den formen vñnd gstatlen eins yeden dings /
mitt träffenlicher hoher geschickligkeit redt /
ouch zü der selben siner leer nūnewort erfand
vñnd brucht: namlich / stülheit / banckheit /
tischheit / gläserheit / vñnd andere der gly-
chen: durch welche er die form vñnd gstatle
eins stüls / bancks / tischs / glases / zc. zeuer-
ston geben vñnd anbilden wolt. Do la-
chet Diogenes sinenn / vñnd sprach: Stül
vñnd banck / tisch vñnd gläser sich ich wol /
aber stülheit / banckheit / tischheit / gläserheit
fan ich nitt sehen. Wolt heimit anzeigen /
was es deß vñnützen fantaften geschwasens
dörffte. V hettind wir hüt by tag ettwan ein
Diogenē / der etliche subtile vñ hocheerlūchtete

doctores / die sich solcher spießfündigkeit mer
dann rechtgshaftner übung gebruched / über
banckheit vnd tischheit abwurffe.

Einer fraagt in wenn es gut wyben wäre/
dem gab er antwort: Einem jungen noch nit/
ein alten niemer: wolt anzeige einer solte gar
kein wyb nemmen. Wiewol der gut gsell in
fragen wolt / in welchem jar / oder in welcher
zyt des jars einer ein wyb nemmen solte / wie
dann Aristoteles geleert / ein jungffrouw oder
dochter solte achsähnen jar / ein jüngling aber
fünff vnd dryssig jar alt syn / ehe sy zur Ee kä-
mind. So habend die Römer den gloubenn
ghebt / das im monat Apzellen vñ im Junio /
den wir Düttschen / den Braachmonat nen-
nend am besten siße ein wyb zünemmen. Wie-
wol es am besten ist / wenn es einer wol trifft.

Als in einer fraaget / was er nemmen wolt /
vnd im ein streich halten / sprach Diogenes:
ein helm. Der in fraaget / meint was er zlon
wolt nemmen / er aber meint / er welte ein helm
nemmen / der im den streich vshübe.

Es begab sich das er ein jungē gsellē sach
kofflich

hofflich bekleidet / vnd ganz zierlich vfgmüßet
dahar trätten / zü dem selben sprach er: Zierest
du dich den mañen zlieb so ist vergebent / die
wyl die desse nit achtend / thüß es dan den wy
beren vor / so thüß du vnrecht / dann ein bider
man ein wyb nit mit falsch vnd betrug / son
der mit eeren vñ tugend überkommen sol. Di
sered lutet in Griechischer sprach bas / vonn
wägen das in der selben die fürnemsten zwey
wort glych lutend.

Als er ein jüngling sach der sich schampt /
vnd deshalb im angesicht ganz rodt ward /
sprach er: Bis güts müts min son / die tugend
hat dir dise farb angstrichen.

Es trüg sich ein rechtshandel zü zwüsched
zweyen / die selbs doctores der rechten wärend.
Namlich das sich der ein erklaget der ander
hette jm ettwas gestolen. Ober disen span gab
Diogenes die vrtheil / man solte sy beid hen
cken / den einen darumb / das er yhenem das ge
stolen hette / den anderen aber darumb / das er
dises diebstals halb nit vmb das sin kommen
wäre. Vermeint / der ein hette dem anderen
etwas gestolen / darumb solte er gstraaffe wer

den / der ander aber / dem das gestolen was/
hette mit das sin / sonder eben das er vor einem
anderen ouch gestollen hat / verloren : darumb
wäre er nit besser dann diserer .

Einer fraget in welcherley wyn er am lieb-
sten truncke / dem gab er zantwort / frömbden.
Wiewol das Griechisch wort bas lutet / dann
das heist / der vnuersechener oder vngeshoffter
sach dahär kumpt. Doch hatt / der in fraget /
ein anders wöllen / namlich was lands wyn
er am liebsten truncke .

Es kamend ettlich zü jm die sagend jm:
Dich verlachet vnd speyt yederman. Denen
gab er zü antwort: aber mich nit. Vermeint er
nâme sich des gspöts nüt an .

Es sagt einer es wäre ein arbeitsälzig ding
läben. Zü dem sprach Diogenes: Läben ist
nit ein arbeitsälzig ding / aber schandlich lä-
ben / das ist ein arbeitsälzig ding. Wolt jm hie-
mit zeuerston gebenn / wie die Philosophi so
gar einer anderen meinung hierinn wärind /
dann dz gemein volck. Das gemein volck meint
das läben der menschen / in welchem arbeit /
franchheit /

frankheit / schmerzen / gsaar / schaden / el-
lend vnnd ander vnfall sind / syge ein arbeit-
sätig läben. So meinend die philosophi dar-
gegen / es sy niemant arbeitstätig / dann der
vnrecht thüt.

Diogenes hat ein knecht oder lybeignen
menschen / der hieß Manes / der entluff jm / vñ
als etlich die jm güts gonntend / in ouch wie d'
bruch ist / vermantend / das er dem entloffen
knecht nachylen / vnnd in süchen solte / sprach
er: Das wäre mir wol ein syner schimpff / das
Manes on Diogenem könte hushalten / vnd
Diogenes solte nit können on den Manem
hushalten. Vermeint er wäre doch ein phi-
losophus / vnd solte sich baz können allein be-
helffen / dann sin knecht / der keiner wäre.

Er hatt in einem imbis oliuen vor jm vff
dem tisch ston / vnnd als man jm ein paste-
ten darzü bracht / warff er die vonn jm / vnd
sagt disen vers vñ einer Tragedi darüber:

Hab sorg / sich vñ min lieber gast
Vnd vor tyrannen hüt dich fast.
Nait also sich selbs ein tirannē / vñ verachtet

aller wollüsten/ die sich als gest vor jm söltind
hütten.

Diogenes ward/wie obgemeldet/vö meng-
lichem ein hund genennt: diewyl aber viler-
ley hunden sind/als jaghünd/vogelhünd/leit
hünd/wasserhünd/vñ die by den hüserē/by dē
schaffen/by den einzigē burchöfen als wäch-
ter tag vñ nacht hütend: darzu ouch gutschē
hünd vñ stubēstäncker: so fraget in einer:wel-
cherley hunden er wäre/dē gab er die antwort:
weñ mich hungeret so bin ich ein Meliteischs
hündlyn/wenn ich aber gnüg gfrässen hab/so
bin ich ein Molossischer hund. Vermeint
wenn er gern äße / so zanklete er den lüten/ da
mit jm wurde: wenn er aber dem ässen nüt
nachfragte / so dörfte er die lüt wol byssenn.
Dann die Meliteischen hünd / die dann jren
namē von einer Insel Melita/ darin sy wer-
dend/har habend:sind klein/vnd von jrer klei-
ne wägen den wyberen lieb vnd kömlich in der
schos gehalten. Dargegen sind die Molossi-
schen hünd groß vnd rōubig/eins gar scharpf
fen bisses/deshalb sy vffs gjägt trāfflich güt
sind. Wirdend also genēit von den Molos-
sis/einem volck das in Epiro wonet.

Einer

Einer fraagt in ob die philosophi ouch pa-
steten aßind / sprach er ja / wie andere mensche.
Gab aber ein andere antwort / dann er gfraa-
get ward. Dañ der in fraaget / meint die phi-
losophi aßind villycht kein pastete / als die vff
solichen schlackē nüt hieltind: so gab jm Dio-
genes glych also ein antwort / als weñ er mein-
te die philosophi werind nit wie andere men-
sche / vñ aßind derhalb ouch nit mensche spyß.

Es begab sich vff ein zyt / das jm in einem
gmeinen maal ein pasteten fürgestellt ward/
dorab er aß. Do fragt in deren einer / die by
vnd mit jm ztisch gassen warend: ob er ouch
wüßte was er aße. Dann er meint / diewyl
Diogenes ein so hündischer vnd grober philo-
sophus / wüßte er villycht nit was ein pasteten
wäre. Diogenes ließ in vff dem selben won-
vnd thet der glychen als ob er nitt wüßte was
es wäre / sagt: Es ist ein wolgebachens brott.
Wiewol er ouch hiemit wolt zuerston geben/
ander lüt aßinds für ein basteten vñ wollusts
willen / er aber aße es für brott: dann es wäre
jm wie ander brott / diewyl er nit mer begird
darzū hat dann zū anderem brott.

§ v

Es fragt in einer / worumb man den bätt-
leren gütwilligklich das almüßen gebe / vnd
aber dargägenn so gar vnwillig wäre / was
man den philosophis geben solte. Dem gab
er den bscheid: Darumb das die lüt wüßend /
das es ehe darzü kommen mag / das sy blind
vnd lam / wie bättler / dann vernünfftig vnnd
wyß / wie die philosophi werdind. Meint /
welcher ein lamen oder blinden gebe / der thete
es vß erbärmdb / vnd darumb / das er gedächte
es möchte jm ouch darzü kommen: den philo-
sophis aber sünetind sy wenig nach / diewyl sy
nit vnderstandind wiszig zwerden.

Er begärt etwas von einē rychen gyttigen
mā / d' bedacht sich so lang ob er jm etwas gebē
wölte oder nitt / das Diogenes zeletst sprach:
min fründ was bsinnest dich so lang / ich bgär
doch nit dins todts / sond' alein dins almüßes.

Er kam für ein kleins stettly / dz heist Min-
dus / vnd als er sach das es ein überuß grosses
vnd schöns thor hatt / vnnd aber dargegen so
gar klein was: Lüffer zum thor yn / vnd schrey
überlut: O jr Mindier bschliesseß üwere thor
oder aber d'statt loufft üch zü thor vß. Meint
das

Das stättly wäre wol so klein/ das es zum thor
vß möchte.

Als er sach das einer purpur oder scharlot
gestolen/ vnd daran ergriffen was / den man
vmb die mißthaat töden wolt / sagt er jm ein
vers vß dem poeten Homero:

Dich hat erwütscht des todes gwale
Hast gsen sin scharlot rote gftalt?

Eraterus ein überuß rich er man begärt an
Diogenem / er sölte zü jm zhuß zühen / vnd by
jm syn / er wolte jm biß an sin end kein mangel
lassen. Diogenes sprach: Ich will lieber zü
Athen sals läcken / dann bym Eratero gute
maal ässen. Meint wenn einer sin fryen zug
hette / ob er glych darby arm wäre vnd wenig
hette / wäre jm dennocht bas / dann wo er ver-
knüpfte vnnnd verhefft wäre / ob er glych al-
len überflus darby hette. Summa / es ist nit
über fryheit.

Anaximenes der redner / was ein überuß
feister mann / vnnnd hatt ein grossen buch: zü
dem sprach Diogenes: Lieber vñ güter fründ
du bist zefeist / so bin ich zemager / wie wäre
jm

jm / wenn du mir din buch halb gebest / so wä-
rest du deftringer / vnd ich deß hübscher .

Anaximenes hatt ein schöne red gege volck /
do stünd Diogenes dar vñ hatt jm sin wätsch
ger für. Do das dz gemein volck sach / hatt es
der red Anaximenes kein acht mer / vnd sach
allein dem Diogeni zū. Des ward Anaxime-
nes erzürnt / schweig still vnd gieng heim. Do
sprach Diogenes : was ernstlicher red ist das
gwäsen / das ich sy mit einer hallerwärtigenn
täschenn gstillt han? Vermeint Anaxime-
nes hetten nüt nodtlichs zereden ghebt / dz volck
wäre sonst nit so bald abwendig worden.

Plato gieng vff ein zit an einē ort für do stünd
Diogenes vnd wüsch frut / dem runet Plato
in sin or: O Diogenes / hettest du dem kōnig
Dionysio gdienet / so müstest yetz nit frut wä-
schen. Diogenes runet jm wider / vnd sprach:
O Plato / hettest du frut gwäschen / so hettest
nit müsse dem kōnig Dionysio dienē. Meint
frutwäschen thete jm glich als wenig wee / als
ein herren dienen / vnd stāts wenn er wil / ge-
spannen ston.

Einer

Einer sagt zu jm: Es sind vil lüten die nüt
vff dir haltend. Dem antwortet er/vñ sprach:
Es sind ouch vil esel die vff jnen nüt haltend.
Do sprach der wider: was fraagend sy dē es-
len nach? So sprach Diogenes: was frag
ich jnen nach? Vermeint die jn verachtetind
wårind by jm ouch nitt in höherer achtung/
dann esel.

Als er ein jüngling sach/der sich der philo-
sophy ergeben hatt/ vnd darinn mit hohe slyß
übt/ sprach er: das ist recht min lieber son/ daß
du machst das welchen du / dins lybs schöne
halb angnâm bist/ den selben von wågen dins
herrlichen gmüts/ noch lieber werden müst.
Vermeint wyßheit vnnnd kunstrychs gmüt
machte das man einem recht gönstig wurde.
Dann nüt schönere ist denn wyßheit / vnnnd
lieblicher dann tugend.

Es ist ein tråffenliche Insel mit namēn
Samothrace / die ligt zwüschen der Insel
Imbro/ so von vfgang der Sonnen jren die
nechst ist/ vnd der fruchtbaren Insel Thaso/
die von nidergang der Sonnen jro die nechst
ist. In diser Insel sind vil herrlicher templen
vnd

vñ heydnische gſtiffe gwäſen/dañ Venus vñ
Phaeton/vñ Poton die abgött daſelbſt ver=
ceret wurdend. Vñnd die wyl diſe Inſel vil
ſchiffſendinē hat/deſhalb vil frōmbds volcks
über meer har daſelbſt zülendet: begibt es ſich/
das die ſchiffenden/vngwitters halb in groſſe
gfar kommend. Vñnd welche dann mit jr hab
vñd güt / oder ouch allein mit dem läben vñ=
kommend / die hēckend den obgemeldten ab=
götten (die ſy in jren nöten angerüſſt / vñnd
ſo ſy vñkommen/darfür geachtet / das ſy jnen
daruon geholffen habind) ſchenckinen / vñnd
wie man es nennet / verſprochne / gelobte oder
verheiffne gottsgaaben vñ / damit ſy jr danck=
bar gmüt gegen jren hällſſeren erzeigind. Als
nun Diogenes in diſe Inſel kommen / vñnd
jm die ynwoher der Inſel / ſöliche gottsgaa=
ben zeigtend / vñnd ſagend: der iſt jm krieg mit
dem läben daruon kommen / der hat dem oder
dem gott ein Kürris vñgcofferet / der iſt in
einer ſchwären krankheit vñkommen / der hat
dem oder dem gott ein rock vñgehēck / 2c. wie
dann im ganzen Heydentumb beſchicht.
Do ſagt Diogenes: Mich dunckt wenn die
denen üwre gött nitt geholffen habend / ſöli=
che

the schenckinen vnnnd gaaben vsgedenckt he-
tind / es hangete wol drümal mer rüstung da.
Meint irer götter hilff verfienge wenig in
sölichen nöten. Es müste einer der hilff halb
wol erschlagen werden / oder ertrinckenn / o=
der ouch so er franck wäre / sin läben lang zbet
ligenn.

Diogenes sach / ein jungen gsellenn in
ein Wirtshuß gon vnnnd in ein kostlich maal
sizen: zü dem sprach er / wenn du heim gast/
wirft noch einest böser syn / dann vor. Als
der jüngling heym gieng / sprach er Dioge-
nem an / vnnnd sagt: Wie dunckt dich / bin
ich nitt wie vor? Diogenes sagt nitt an=
ders / dañ: vil böser. Meint es wäre nitt müg-
lich das ein jüngling ab schlemmen vnd bras-
sen besser wurde.

Diogenes begärt von einem / der hieß Eu-
rytius / das er jm ettwas gäbe / der schlug jm
das allwäg ab / mit dem fürwort: wenn er jn
deß bereden könnte / so wölte ers jm gebenn.
Diogenes sprach: wenn ich so gschickt wäre/
das ich dich eins yeden dings / das ich gern
hette /

hette / bereden könte / so wölte ich dich langest
beredt haben / das du dich selbs erhancktest.

Als er ein zyt lang in Sparta gwäsen / vñ
dadennengen Athen zogen was / fragtend in
die lüt / wie brüchig ist wo här er kommen wä-
re / vnd wohin er ziehen wölte / sprach er: Ich
kunn von mannē zun wyberē. Vermeint die
Athenienser wärind jres weichē läbens halb
wol wyber: die Spartaner aber / von wägen
das sy ein strēg / ruch / ernsthaftē läbē fürtind /
wärind recht man.

Die all jr hab vnd güt üppiglich verthät-
tend / vnd allein an köch / hürēfürer / schmeich-
ler / frässery vnnnd hury leggend / verglycht er
den böumē die an hohen velsen gwachsen wä-
rind / ab denē niemand dann die kräyē / rappē
vnd ander wild vögel die frucht ässen möchte.
Dann welcher sin güt gält mit vnnüszē lütē
verthüt / hatt es glych als wol angelegt / als so
jm das die rappē vnd gyre frässen hettend.

Wie wir Düttschē / so wir einē flüchē wöl-
lend / sagēd: far an galgen. Also sagtend die
Gricchē: far hin zun rappē. So meint Dio-
genes

genes / es wäre einem menschen gfaarlicher
vnder die zänzler / dan vnder die rappē zekom
men. Doch ist das in Griechischer spraach
wäsenlicher / dann Korax heißt ein rapp / vnd
Kolar ein zenzler : das also die beid nammen
garnach glych sind.

Zu Delphis hatt Phryne ein gemeine dirn
also genannt / ein ganz guldin bild der göttin
Veneri gestiftet. Dem selben bild zu eer /
schreyb Diogenes disen eeren tittel vf: Das
ist der Griechen vnkünschheit. Vermeint es
wäre ein schand / das die Griechen einer hürē
so vil zlösen gegebē hettind / das sy vß dem selbē
gelt ein ganz guldin bild machen möcht.

Der groß Alexander kam vff ein zyt zu
im / vnd als in Diogenes fraaget: wär er wä-
re. Sprach Alexander: ich bin Alexander der
könig. Do sprach Diogenes: so bin ich Dio-
genes der hund. Meint / er wäre wol so hoch
dran mit sinem hunds orden / als der groß A-
lexander mit sinem königrych.

Es fraget in einer / worumb er ein hund ge-
nennt wurde. Dem antwortet er: daruñ dz ich
G

an denenn vffspring / die mir etwas gebend /
vnnnd die anbill / oder ouch etwan byß / die mir
nüt gebend .

Als er vff ein zyt ab einem boum sygenn
nam / vnnnd der des selbigen garten hüt / zü
jn sagt: nitt lieber fründ / was wilt du der sy-
gen / es hatt sich verschiner tagen einer an di-
sem boum selbs erhenckt. Sprach Dioge-
nes: Eya es schadt nüt / ich wil jn reinigenn.
Ließ sich mit diser red nitt abschreckenn / ver-
meint / ob es glych waar wäre / das sich an den
boum einer erhenckt hette / so könte es denochs
den sygen nüt schaden.

Als er ein kriegsman sach einem gmeis-
nen mäslly mitt zü rugkgebognem halß nach-
lügen / sprach er: Sich / sich / wie das meytly
den ysenbyffer gfangen hatt. Meint es wä-
re ein tozrichs / das ein kriegsman / der mitt
mañen stryten sol / solte ein schlächtes vñ vnre-
bars wybs bild also fahen lassen.

Er sagt allwäg / die schönen dirnen achte-
te er dem mät / so mitt tödtlichem giffte ver-
mischet ist / glych syn: dann wie der selb wol süß
ist

ist/ aber den menschen tödet / also hatt die hū-
ry im anfang ettwas kurzen vnnd ganz vū-
langwirigen wollusts / im end aber ein ewig
vnd vnus hörend leid.

Eins mals do er vff offnem marckt / wie sin
bruch was/ zū imbis as/ vū vil lüt vū in stūn-
dend / die im mertheils zūschriwend: Hund/
hund/ sprach er/ jr sind recht hūnd / die jr mir
wie ander hund vmb den tisch stond.

Als er einen sach/ der vorhin ein sächmeister
ster gewāsen / vnd yesdan ein arzet worden
wz/ sagt er zū jm: Ich mein du wellest/ die dich
vor ettwan z̄bodē gschlagen habend/ yes ouch
niderwerffen vnd vndertüschē. Dann wie
er die wyl er ein sächmeister was ettwan z̄-
boden gschlagen was / also mocht er nahin
den selben oder anderen / mit einer arsnij ein
baggenstreych geben / das sy z̄bett ligen / oder
gar ins grab faren müstind. Vermeint er
wurde yes glych als wenig zū einem arzet/ als
vor zū einem sächter gschickt syn.

Als ein böser hūb/ der (mit v̄lob) einr hū-
gen son was / mit steinen vnder die lüt warff/
G 4

straufft in Diogenes/vnnd sprach: Büb hör
vf werffe / du möchtest villycht din vatter träf
fen. Meint diewyl sin müter nit froñ/vñ mer
dann einse hür wäre/möcht er nit wüssen wo
vnd wär sin vatter wäre.

Als einer jm etwas gab/lobt den selben/si-
ner güte halb/vederman. Do sprach Dioge-
nes: warum lobend jr mich nit ouch/ deshalb/
das ich das vñ jm verdienet hab? Meint es
wäre ein grössere kunst/vñ einen güts verdie-
nen/dañ einem etwas güts bewysen.

Einer hat jm ein mantel geben/der forderet
jn wider. Do sprach Diogenes: hast mir jn ge-
schenckt/so wil ich jn behaltē: hast du dañ mir
den gelihen/so wil ich jn bruchen. Meint er sol-
te nun nit gedencen/ das er jm den mantel wi-
der gebe.

Als jn einer fraget/ was er by sinem stand
vnd wäsen fürschiäg oder gwunne/ sprach er:
Gwünn ich glych nüt/so ist doch das min ge-
wün/das ich hieby mich gwenn allerley jamer
vnd not zelyden.

Als

Als er von dem pfläger des allmüßens be-
gert/er wölte jm etwas geben/sprach er:Brich
am allmüßen ab gegen welchen du wilt/allein
gib mir was mir gehört. Meint er möchte den
armen wol abbruch thun/vñ sich selbs hiemit
rych machē/doch so fer das er solcher vntrüw
nit engelten müße.

Er sagt die gemeinen mäßen wärind aller
königen könginen. Vermeint/was sy vñ für-
sten vnd herzen hōuschen dörfstind/ das wur-
de jnen/so mengem schwarlich das verlangen
möchte/das jm gehörte. Die mäßen aber wä-
rind in allen landen so gwaltig/ das jnen die
grossen herren nüt köntind versagen.

Als die herren zu Athen dem köning Alexan-
dro zügfallen ein mandat vsigon ließend/das
jn/den Alexandrum/für den gott Bacchum
yederman vereeren solte/lachet Diogenes vñ
sprach: So gebietend ouch das man mich für
Serapin eere vnd anbätte. Dann Serapis
by den Aegyptieren in eins ochsen gstalt vere-
eret ward.

Do jn ettlich beschultend/dz er in vnerbare
G iij

vnd verschreyte huser gienge. Sprach er
was ist es dann? gadt doch die Sunn in die
schyffhuser / vnd wirdt nitt bschiffen drinn.
Vermeint wie die Sunn in heimlichen ge-
machen nitt vermaasiget wurde / ob sy glich
ouch ettwan daryn schine: also wurd ein from-
mer man des orts daryn er kame / schmaach
vnd vncer halb / nüt deß unerbärer.

Als in einer beschallt / warumb er sich für
ein philosophum vnd geleerten man vsgäbe/
so er doch nüt könnte. Sprach er: wenn ich
mag der glichen thun / als ob ich ein philoso-
phus syge / so gon ich rächt mit der philoso-
phy vmb. Meint die philosophy syge ein so
träffenlich schwär ding / dz so einer so vil dar-
mit könnte / das man in dar für hete / er könnte
darmit / wäre es gnüg. Vnd das ist in al-
len dingen die recht gattung. Denn weiß sich
einer in sine sachen der maß schicken kan / das
mögklich in für den achtet / der er syn wil / so ist
es doch recht vnd gnüg gethon.

Als in einer ein iüngling züfure / vnd be-
gärt / das er in zü einem junger annehmen wöl-
te / vnd in siner leer vferziehe. Damit aber der
selb

Sprach er
Einn in die
schiffen drinn.
vmblichen ge-
we / ob in gsch
wardt dinn
e / schmach
rrer.
b er sich sit
n vfgab /
wenn ich
philoso-
philoso-
syge ein so
so vil dar-
e / er konnt
as ist in al-
nn wein sch
en kan / das
yn wil / so ist
art / vnd be
encken wil
mit aber der
sch

selb gut mann solichs an Diogene dester bas
gehaben moecht / lobt er den jungling haestig /
wie er so zuechtig / gschickt vnnnd geleert waere.
Do das Diogenes hort / sprach er: Ist er
dann so zuechtig / gschickt vnnnd gleert / so be-
darff er doch nitt das ich in zucht vnnnd an-
ders leere. Meint der vatter hette zeuil dran
thon / das er den son so vil lobte / vnnnd im zu-
gebe er koennte das / so er doch erst lernen solt.
Es waere an dem gnueg gwaesen / wenn er ge-
sagt hette: der knab syge gutartig / werde sich
wol leeren lassen.

Welche vil von tugenden vnnnd gueten sit-
ten redtend / vnnnd dargegen kein tugend noch
gut sitten an jnen selb hattend: die verglychet
er den harpffen. Dann wie die harpffen wol
tonntind / vnd aber dese selb nit empfundind /
also redtind sy ouch schon ding / das aber jnen
selbs nit zherken gienge.

Als die vile des volcks in theatrum / das
ist das ort da man spil inn macht / gwaltig-
lich trang / vnnnd ynkin gon wolt / trang
er dargegen vshin. Vnnnd da man in fraa-
get / was er darmit meinte / sprach er: Er

Ⓔ iiiij

befliffe sich des so lang er by läben wäre / all-
wäg zethün. Meint das wäre das gröst vnd
fürnembst in aller philosophy / nüt thün was
das gemein volck thüt. Dann das gemein volck
den bösen begirden nachhengt / so ein philoso-
phus sich der tugend flüssen sol.

Er sach ein jüngling wybisch bekleidet da-
har gon / den beschalt er vñ sprach: Schämst
du dich nit / dz du dir selbs böfers gunnst / daß
dir die natur gunnt? dann die natur hatt dich
zü einem man erschaffen / so wilt du mit gwalt
ein wyb syn. Also sind vil lüten noch hüt by
tag / die Gott zü menschen erschaffen hatt / so
wöllend sy mit gwalt süw syn.

Er sach ein lutenschlaher / der überuß güt
vff der luten / vnd böß in sinem läben was / den
beschalt er vnd sprach: Schämst du dich nit /
das du die luten so wol richthen kanst / vnd dich
selbs nit baß richtest?

Er vermanet vff ein zyt einen / er solte sich
der philosophy begeben / vnd ein recht tugend-
rych läben an dhand nemmen: der entschuldi-
get sich mit dem / er wäre nit gschickt darzü.

Do

Do sagt Diogenes: was läbſt dann/ſo du nie
ſinneſt recht zeläben? Der menſch läbt nit da
rumb das er allein läbe / ſonder daruñ das er
ouch lerne recht läben. Die natur gibt dem
menſchen das läben. Die philoſophy aber
gibt dem menſchen das recht läben. Die na-
tur gibt vns die gnad das wir könnind lernē/
die philoſophy aber leert vns.

Er ſach einen der gar verſchreyt was / wie
er ſin vatter ſo ſchñd hielte vñnd verachtete.
Den beſchalt er alſo: Schäm̄bſt du dich nitt/
das du den verachteſt / von dem du das haſt/
das du dich ſelbs kanſt hochachten? Meint er
wäre doch nüt wenn der vatter nit wäre.

Als er hort ein überuſſ ſchönen jüñgling/
wüſte wort vſſ ſtoſſen / ſprach er: Schembſt du
dich nit / das du vſſ einer hällffenbeininen ſchei-
den ein blygins ſchwerdt vſſ zuckſt? Helffen-
bein was vor zyten in ſo hoher achtung / dem
verglycht er die ſchöne deſſ lybs. Meint das
wüſt gmüt deſſ jüñglings wäre mit einē ſchö-
nen lyb bedeckt. Es wäre menger hüpfſch / weñ
er nun hüpfſchlich thäte.

G v

Als im einer vffhüb/ das er in einem wirts
huß zächte / sprach er: was soll es syn? Laß
ich mir doch in einē schärgaden den bart schä
ren. Vermeint es wäre glych als eerlich in
einem wirtshuß zächen / als in einem schär
huß schären / diewyl yedes darzü verordnet
ist.

Der könig Philipp hat Diogeni ein man
tel geschenckt / den nam er zū danck vff vnnd
trüg in. Vnlang darnach begab es sich / das
im einer das / als ob es vneerbar / vnnd sinem
stand nit gemäß wäre / vffhüb / dem gab er zū
antwort den vers vff dem poeten Homero:

Der grossen götter cerengaaben
Sol man in hoher achtung haben.

Hieby ist aber zūmercken / das Homerus di
sen vers von der schöne des menschenn lybs
geschriben hatt / vnnd darmit anzeigen wol
len / das man die als ein trāffentliche gaab der
Götteren recht vnnd woll bruchenn sol.

Das zücht Diogenes vff den mantell der
im vonn könig Philippen geschenckt was.
Meint ein schencke solle nieman verachten/
sonder mit danck annemmen.

Es

Es begab sich/das Diogenes vff ein zyt
lart wie sich der mensch vor gehem zorn hütet
solte. Das hort ein müthwilliger fräffner jüng
ling / der gieng hin / vnd spürt Diogeni in
sin angesicht / wolt also in versüchenn / ob er /
nach lut vnd vermög gemelter siner leer / sich
des zorns überheben könnte. Solichen fräfel
nam Diogenes gütiglich vff sich / vnnnd
sprach: Ich bin nit zornig / gedeneck aber by
mir selbs / ob einer über solliche müthwill vnd
fräfel / wie du yez begangen zornig werden sol
le oder nitt.

Als er einen sach vmb ein gmeyne dirnen
bülen/vnd jr yemerdar zu müthen/das sy jm/
mit jren vnerbars zühandlen/ gestatten wöl
te / sprach er: Du arbeitfälliger tropff / was
wilt du mit dem guslen vnd gylen schaffen?
Es wäre dir doch thusend malen nüglicher/
du wurddest diner pitt nitt gwärt. Vermeint
es syge nüglicher von solcher bülschafft vßge
stossen / dann ynglassen werden. Wiewol/
leder Gott erbarms/ vil so arbeitfällig vnnnd
unglückhafftig an jnē selbs sind/ dz sy irer eig
nen schand vnd schaden mit so hefftiger be
gird nachstellend.

34

Zu einem / der sin haupt mit salb wolgeschmackt gemacht hatt / sagt er also: Mein güter fründ / lüg das du mit dem wolgeschmacktē haupt nit ein vngeschmackt läben machest. Meint er wurde jm selbs mit der weichen liebe des wollusts ein bösen lümbden machenn. Dann so einer mit haarpüffen / weicher kleydung / sälsamer vnd kostlicher spyß vñ tranck vmbgaadt / ist es ein gwüsse anzeigung / das er weichs vnd wollustigs dings ist. Vnd die wyl dann das einem mann gar nit zimbt / so macht es jm ein böß gschrey. So ist dz gschrey oder der lümbd der von ein vßgaadt / wie der geschmackt an einem yeden ding / der nällich anzeigt ob ein ding güet oder böß sye. Darumb meint Diogenes er solte sähen das er jm selbs hiemit nit ein böß gschrey machte.

Er sagt gwonlich / das zwüschend einem bösen herren vnd einem bösen knecht kein vndercheid were. Dañ allein der / das die knechten herzen / vnd die herren den ansächtingen oder bösen begirden dientind. Vermeint sy wärind beid knecht vnd lybeigen lüt: doch wäre / der den ansächtingē diene / in einer schwärreren lybeigenschafft / dañ der ein herren dienen

nen müſte. Diewyl der den anſächtingen
dienet grufam böß herren/vñ der ſelbē vil hat.

Die Griechen nennend die flüchtigen lyb
eigenen lüt andrapoda. Das als vil iſt / als ſo
einer ſagte: manßfüß. Warumb ſy aber die al
ſo nennind / zeigend die gleerten vil vnd man
cherley vrsachen an. Vnd diewyl nun Dio
genes ſich / wie hievor an mengem ort anzeigt /
für einen philoſophum oder geleerten mann
vßgab / ſo kompt einer / der doch ein verſchrey
ter bößer man was / vnd fragt in als ein gleer
ten: warum die Griechen einem flüchtigen
knecht diſen namēn gäbind. Dem gibt er zū
antwort: Sy werdend darumb also genennt /
das ſy füß habend wie ander man / aber herßē
wie du / derd mich fragest. Meint er ſehē einem
man glych / vnd hette manßfüß / aber ein ha
ſen herß.

Es begab ſich / das er von einem / der ſonſt
güdig vnd verthügig was / begärt er ſölte im
zähen kronen ſchencfen. Der poß verwunde
ret ſich / das ſo er von ander lüten nit mer daß
ein haller begert / vnd aber im zähen kronen
höuſchte: vnnd ſagt es also Diogeni: Lieber
warum

warumb h uschest mir so vil/so du von ande-
ren nit mer dann ein haller bg rft. Dioge-
nes antwortet jm vnnd sprach: Darumb das
ich hoff ander l ut gebind mir ein ander mal
ouch/ob aber du mir ein ander mal ouch z  ge-
ben habest/weist Gott wol. Meint es w re
einem/der das sin so h ufflingen vsschutte/
bald darz  kommen/das er nit allein niem d
z  geben hette/sonder selbs vmb allm sen g -
m fte.

Als jm ettliche vsh ubend/das er also b tt-
lete/vnd den l uten das iren abneme/so doch dz
Plato/der ouch ein Philosophus w re/nit
thete. Denen gab er den bscheid: Er h usche
vnd b ttlet wol als fast als ich / aber

Er hatt sin houpft so nach zum man

Das mans jm nit anmercken kan.

Brucht also ein vers vshdem Homero / mitt
dem er anzeigt / das Plato wol als vast b tt-
lete als er/er f unte es aber heimlich th n / dem
er n t nachfragte.

Er kam vff ein zyt vff ein gellen schiessen/
da sach er einen der gar vngew hner sch ssen
was/vnnd mertheils ouch defz t ttchs faalt.
Darumb

Darumb weiß der selb schießen wolt/so gieng
Diogenes hin vñnd sagt sich zrür an zwäck/
vñ weiß man in fraaget warumb er das thete/
sprach er: damit er mich nitt trässe. Ver-
meint / diewyl er so vngwüsser schüssen wäre/
so möchte einer nienn sicherer / dann bym
zwäck syn. Er sagt vff gemeldtem schießen/
die faaltind nitt / die den zwäck nitt trässind/
sonder die all jr sinn vñnd gmüt vff den zytt-
lichenn wollust gericht hettind: dann sy die
waar sälligkeit nitt / wie sy hofftind / dar-
inn finden wurdind. Vñnd das hieße recht
fälen.

Einer fragt ob der tod ein böß ding wäre/
dem antwortet er also. Wie kan der tod ein
böß ding syn / so wir doch sin nitt innen wer-
dend wenn er zu vns kompt. Darum ist er da
so empfindend wir sin nitt: ist er denn nit da/
so schadt er vns nit. Diewyl der mensch em-
pfindelikeit hat / so läbt er noch / vñnd ist des-
halb noch kein tod da. So bald er aber kom-
men ist / so ist alle empfindelikeit hin. Was
nun also ist / das wir sin nitt empfindend so
es da ist / das kan nitt ein böß oder schedlich
ding syn. Darumb wolt Diogenes anzeigen
man

man solte den tod mit fürchten / diewyl er ein
sölich ding wäre / das so er käme / wir sinē gar
nit empfundind / so seer were es das er einichs
wee oder schmergen brächte. Doch ist das
hieby zū mercken / das der zūgang zum tod er-
schrockenlich ist. Welcher aber den wil fürch-
ten vnd entsizen / der muß mitt der wyß das
menschlich läben überal entsizen. Diewyl
das selb nit anders / dann ein stäter zūgang
zum tod ist.

Der groß Alexander fragt in vff ein zyt /
ob er in ouch fürchte. Diogenes sprach: was
bist dann / güt oder böß? Do sagt Alexander:
güt. Diogenes sprach: welcher wolt das güt
fürchten? Zeigt hie mit an / das man kein kö-
nig fürchten müßte / er wölte vnd dößfte sich
dann offentlich für böß vßgeben.

Er sagt das gleerte oder erkandnuß vñnd
wüßheit viler dingen / syge jungen lüten ein
zucht vnd meister schaff / alten ein trost / armē
als vil als ryche thumb / rychen ein zierdt vñnd
kleinot. Wolt hie mit anzeigen / das die jungē
dardurch von trunckenheit / hūry vnd anderē
bösen abzogen. Die alten als mit einer kurz-
wyligen

wyligen übung/in der bſchwärd ires müſſali-
gen alters ergezt: die armen glich als wol eer
lich vnd rychlich/als ob ſy überuß vil güts het
tind/erhalten: die rychen dardurch zu groſſen
eeren vnd hoher achtung gfünderet wurdind.

Einer warnet in/vnd ſagt: er ſolte ſich vor
ettlichen / die er für güte fründ vnnnd gönner
achtete/hätten/dann ſy im vſſezig wärind .
Do ſprach er: was ſol ich nun thün/ſo ich mit
fründen glich wie mit ſynden gemeinſame ha
ben müß? Vor ſynden müſſend wir vns hütē/
fründen aber müſſend wir trüwen. Müſſend
wir vns vor beiden hütē/ſo iſt nit gut mer lebē.

Einer fragt in/was in allem menſchlichen
läben das beſt wäre . Dem gab er zantwort:
fryheit . Der iſt aber nit fry / der den laſteren
dienet: darumb kan er das nit haben/das in al
lem läben das beſt iſt .

Als von alter har by den heyden brüchig
was/das ſy die ſchülen / die göttinen Muſas/
als der ſchüleren vnd ſtudenten patronen/wie
ſy by jnen gehalten wurdend/maalen lieſſend:
hatt es ſich begäben dz Diogenes in ein ſchül
h

kā/darinn vil Musa gmalet/ aber wenig schü-
ler warend. Do sprach er zu dem selben schül-
meister: Herz schulmeister jr habend mitt by-
stand der götten vil schüler überkoffen. Das
was in zwen wäg zuerston. Namlich so solte
d' selb schulmeister wänen/ Diogenes hete/ge-
meint/er häte mit bystand/ das ist mitt hilff
gunst vnd gnad der götten/ (wie man dan ge-
meinglich redt) vil schüler. Diogenes aber
meint/er wurde mit bystand der götten/dz ist/
weñ er die gött/ als Mercuriū/ Musas vñ die
anderen die in der schul gmalet warēd/ zu den
schüleren stalte vñ ouch vnder d'schüler zalte/
vil schüler haben. Dañ sonst warend der schü-
leren/wie obstadt/gar wenig.

Er sagt vō d' übung wie einer in d' arbeit des
lybs durch stäte übung dahin käme/dz jm alle
ding lycht vñ ring zethun wurdind/ also gäbe
die übüg solichs ouch in der arbeit des gmüts
vnd der tugend/ das einer zletst darinn frätig
vnd gschickt wurde.

Er sagt es könnte kein statt oder burger-
schafft on gsakt syn/vnd möchte ouch kein ge-
sakt on ein statt oder burger schafft syn. Die

Die ritterschafft/den adel vñ was der glich
eere zierde damit mā tugend blonet/ by d wale
in hoher achtung warend/verachtet er gar vñ
sagt/es wäre als nüt anders dan ein teckman
tel der bosheit. Vermeint die edle überhäbend
sich jrer fryheitē vñ lebtind dester schädlicher
dz sy meintind jnē dö:ffte niemand dryn redē.

Als Plato einē daruñ lobt/ dz er gegē allen
menschē früntlich vñ gütig wäre/sprach Dio
genes:wz sol man dan eere vñ güts von dē sa
gen/d so vil jar in der philosophy gstudiert vñ
darby niemād erzürnt hat. Meint es stünde ei
nem philosopho zū/die laster d waltē straaffen
vñ abstellē. Weches aber nit mag bschehē/ an
derst dan dz mā dwelt müß darmit erzürnē/
dan so mā einem sin schand vnd laster an tag
bringt/wil ers keins wāgs lydē. Daruñ wire
keiner ein rechter philosophus syn/vnd darby
niemand erzürnen.

Er sach in Sparta ein frömden gsellen/d
sich mit kostlicher bkleydüg vff dē fyrtag rust/
zū dem sagt er also: Lieber was thüst? hatt nit
ein biderman all tag fyrtag. Meint dise wälte
überal wäre ein tempel des oberste Gottes / in
dem ein frommer biderb mensch sich / als vor
dem angeficht Gottes flisse/ all täglich tag

H ij

von bösen worten vnd wercken zūfären.

Er sagt/es müſte einer/dem es wol gon ſöl
te/eintwederſ güte trüw fründ/ oder ſcharpff=
vffſetzig böß ſynd haben. Dann die fründ war
netind einen/die ſynd aber rupftind einem ein
ding glych vñ. Das einer alſo jrer beider ge=
nieſſen mag.

Einer fraget in/wie er ſich an ſinē ſynd am
aller baſten gerächen möchte. Dem ſagt er al
ſo:wā du dich frommlich vñ eerlich halteſt.
dañ welcher dz thāt/d fürderet ſin eignen nutz
vñ ſügt dem ſynd hiemit ein groſß leid zū. Dz
magſt du by dem abneñen/dz wann din ſynd
ſicht/dz dine güter in gütem rhaat vñ eeren li=
gend/iſt es jmein kumber: wie vil mer wirt er
dañ ſich bekümbere ab dem / ſo er ſicht / das
du dich eerlich vnd redlich halteſt?

Als Antifthenes franck was/vñ zbett lag/
bſücht er in/vnnd ſprach: Bedarſſt du einſ
fründs? Vermeint/wen es übel vñ einē ſtun
de/ſo bedörſte er güter fründen/ die jm eintwe
ders hilff bewiſind/ oder troſt gebind / am al=
lermeiſten. Vnlang darnach als jm für kã/dz
gemeldter

gemeldter Antisthenes vngern sterben welte/
ouch in seiner frantzheit gar vndultig wäre/
nam er ein tolchen zu jm/bsücht in abermals/
vnnnd als Antisthenes sagt: Ach der gros=
sen not/ wår wil mich doch vß dem grossenn
schmerzen erlösen? Do zog Diogenes sin tol=
chen vnd dem mantel här für vñ sprach: Der
tolch Antisthenes gab antwort vnnnd sprach:
Nein/nein/ich hab nit g sagt:wer wil mich vß
dem läben erlösen: sonder/ wår wil mich vß
der not erlösen?

Als Dionysius der vor könig zu Syracu=
sis in Sicilia gwäsen/vñ nahin als er vertri=
ben/gen Corinthū kōmnen wz/vñ daselbst/die=
wyl er gleert wz/ein schül/ damit er dennocht
sin narüg hete/angricht hat. Begab es sich dz
ouch Diogenes vff ein zyt gen Corinthū in sin
schül kã: do sach er vñ hort dz die schüler bösen
text sungend. Hie zwüschend kam Dionysius
selbs in dschül/ vñ als er Diogenem da sach/
vermeint er dz er daruñ kōmnen were damit er
in in sinem vnfal troste/ sprach deshalb: dz ist
recht min Diogenes/ dz du ouch lügest wie es
vñ mich stãde. Also ist es ein dig vñ dz glück.
Diogenes antwortet jm/vñ sprach: Es nimt
H iij

mich wund' dz du noch in läbē bist / die wyl du
so vil schand vñ laster do du ein kōnig warest /
begangē hast: ich sich ouch dz du yes glych als
wenig zū einem schülmeister / als vor zū einem
kōnig / güt bist. Vermeint wie er vor übel ge-
regiert hette / also larte er yes übel.

Es begab sich das in einē in sin huf / dz dan
wol erbawen vñ gar schön geziert was / gfürt:
vnd im hart verbotten er solte niemen hin speu-
ken. Deshalb Diogenes im / dem herren des
huses / ein grossen graggenn yns angesicht
spoukt / vnd sprach: er hette kein wüster ort im
ganken huf gesehen / daryn er disen wüft hete
können vñ werffen.

Er vermanet nit allein sine jünger / sonder
ouch ein yetlichen der im zūkam / zur übung
vnd arbeit / sagt ouch es wäre zweierley übüg /
namlich eine des gmüts / die ander des lybs.
Des gmüts übung wäre / der tugend empfig
klich nachtrachten: aber des lybs übung / tu-
gendryche werck vollbringen. Doch so wäre
eine on die ander nit vollkommen / sonder sy
müftind beid mit einanderen jren fūrgang
haben / also das sich ein mēsch in der leer stāts
üben / vñ demnach dero mit dem läben müfte
nachuolgē. Dar zū sagt er / dz er an den hand-
wercks

wercks lütē fry gmerckē hete / d̄z welche sich jres
hādwercks gflissen vñ on vnderlaß gebrucht /
die sigind mit steter übung nit allein gschickt /
sond̄ ouch bring vñ fertig daruff wordē. Des-
gleych habe er ouch erfare / d̄z sächmeister / trū-
meter vñ andere allein daruñ ein anderē über
träffind / vnd einer mit sin ding feriger dan̄ d̄
ander sigē / d̄z sich einer daruñ mer dan̄ der an-
der geübt habe: vñnd meint das jren keiner so
toll sigē / das er sin gmüt mit flyß vnd übung
der leer nit scherypffer vnd gschwinder möchte
machen. Dann in allem menschlichen läben
nütid sigē d̄z mit übüg nit möge zwäg bracht
werden. Darumb alle vnnütze übung abwäg
thon / vnd das damit der mensch zur sätigkeit
kommen mag / solte an dhand gnommen wer-
den. Dicwyl aber wir menschē vns nit gwen-
nen wöllind vom wollust abgeston / das doch
wol syn möchte / so sigē es ouch kein wunder /
das wtr arbeitsätig sigind. Dann wie die sich
an wollustigs läben gwennt / schwarlich dar-
von abzogen werdend / also werdend ouch die
sich daran nitt gewennt / in jrem alter ku-
mersamflich darzu bracht. Solichs lart Dio-
genes nitt allein ander / sonder thett es ouch
selbs on vnderlaß mit solichem flyß / vñnd so

streng/dz in ettelich daruö abnemmen woltend/
aber vngeschaffter sach abston müstend. Es
sagtend ouch ettelich zu jm:er wäre gar zestreng
in der philosophy. Denen gab er die antwort:
Ichstün wie die senger. Dañ wie ein senger
in ein Chor etwä ein gfang znider anstünit/al
lein damit die jm nachsingen söllend / den ton
in de sy es gsingend mögend erreichind. Meint
also/ es wäre war / dz was über dmas bsehe
wäre vnrecht: er meinte aber sin vnmas sölte
and trag vñ ful lüt zur rechten mas erwecken
vñ vbringend. Byspil: Er hat ein fasz zu siner
bhusing / mitt dem selben was er zstreng/ er
meint aber einem rychen zärtling sölte hiemit
der pracht vnd vnkosten mit trässenlichen pa
lasten erleiden. Siner übung vnd arbeit halb
warend ouch ettelich an jm/ er sölte die minde
ren/vñ vorab diewyl er nū wär alt worden vñ
billich rñw süchen möchte. Denen gab er den
bseid:weñ ich vñ ein par hosen oder waincs
luffe/sölte ich/so ich nach zum zil gloffen were
vnd die gaab garnach gewinnen hette/schnel
ler oder gmecher louffen? Vermeint ye min
der einer läbens überig hette/ye frömmen vnd
redlicher er syn sölte. Dann es vneerlich vnd
gar vffheblich syn wurde/ in einem gütten für
nemmen

nennen erst so spaadt / vnd fast bym end er-
ligen. Wiewol er aber vffber leer vnnnd allen
fryen kunsten traffenlich vil hielt / so achtet er
doch der Music/das ist der kunst sanges vnnnd
seitenpils / 2. Der Geometry/das ist der
kunst vsmessens vnnnd abcircelns. Der A-
strology/das ist der kunst künfftige ding vß
dem gestirn zefagen / vnd anderer der gleichen
gar nüt/sonder sagt sy wärind vnnüt / vnnnd
niener zü zbruchten. Was aber güttesitten
vnd gebärden by jungem vnnnd altem bringen
mocht/was zü rechter hushaltung vnd rech-
ter billicher regements verwaltung fürder-
lich vnnnd nutzlich was / darinn wolt er / sölte
sich menglich üben. Doch hatt er in seiner
leer vil artickelel gehebt / die ganz vnerbar / vn-
natürlich vnnnd vngöttlich / vnnnd deshalb hie
vßgelassen sind. Er hat ouch vil thon/wie
obstade / das eim hund wol anständig. Dar-
gegen hatt er ouch vil geredt vnnnd thon das
wol zü behalten ist / vnnnd vff bessere meinung
zübruchten. Das ist aber gar fry vnd wol an
im zelobe/dz er sich mit allein keins glücks/ald
zyelichen wollusts / desse jm gnüg wäre wor-
den / wo ers hette annehmen wollen / überhebt
sonder ouch sich kein arbeit/not/anfächung

H v

böser mütwilliger lüten/ vnfaal vnd vnglück
hatt lassen bekümbere vnd erschrecken: wie
das zum theil hievor in etlichen seiner geschich
ten/ vnd zum theil in folgenden seinen sachen
erfindt. Es ist ein Insel mit nammen Ae
gina/ welche vor zyten Senona and Seno
pia geheissen/ der zyt Legina genent wirdt: die
ligt vor der herrlichen vnd wytberümpfen
schiffende der Atheniensenen Pyrtheo ge
nant/ über: vnd ist irs sandächtigen vnd vn
fruchtbaeren bodens halb / mer mit främeren
vnd koffslüten/dann lüte die das feld buwind/
bewonet. Deshalb man vß Athica vnd ande
ren vmbliegenden landen vil daryn schiffet.
Vnd als Diogenes vff ein zyt in dise Insel
schiffen wolt/do ist einer/der Scirpalus hieß/
mit vil meerzüberen an das schiff darin Dio
genes was/ kommen: das selb mit lüt vnd güt
zü seinen henden gnommen/vnd mit jm näbed
hin/gege mittentag über das Aegeensch meer
in die Insel Eretam gfürt. Dise Insel ist
zimmlich groß / schön / fruchtbar / volckrych/
vnd vor zyten ein gwaltig königrych gewä
sen. Dann die alten schribend das sy zü den sel
ben zyten by hundert stätten gehebt/vnnd vor
zytten Juppiter/dennach Gnesius Rhada
mantus/

mantus/ ouch Minos die herrlichen man kö
nig darinn gewäsen sigind. Zletst ist sy durch
Metellum/der dasar das er sy yngnommen
hat / Ereticus / genent ward / in der Römer
hand vnd gvalt kommen/bis sy/als das Rö-
misch rych in Orient abgangen / die Benedi-
ger erkouffte/vnd yes ettlich hundert jar innge
hebt habend. Sy wirdt aber der zyt nit Creta
sonder Candia gneüt. Diewyl sy aber zwü-
schend Attica der landtschafft Griechelands
vnd Cyrenaica dem gelend Asie also in der
mitte ligt / das von welchem land / gemaldter
zweyer gägninen / ein schiff vffart / es in zwey
en tagen in Eretam / oder wie sy yes genenne
wirt Candidam / kommen mag / ist sy obge-
nanten Scirpalus vnnd sinen gselten zu diser
thaa wol gelägen vnd ganz kommlich gewä-
sen. So bald aber Scirpalus vnd die sine dis
schiff mit lüt vnd güten in Eretam gebracht ha-
bend / ist in dafelbst glych alle waar / vnd dar-
under ouch Diogenes feil gewäsen. Bñ als sy
die gfangnen lüt in Creta vff offne marckt ge-
stellt / vnd feil hattend / vnnd sich Diogenes
darzu geseht hatt / gebot jm der kouffherr / der
jn dan mit anderẽ feyl hat / er solte vffstö / vil-
licht daruff / das d jn kouffen wolte / desterbao
sähe

sähe was er kouffte. Diogenes gab im ant-
wort vnd sprach: was ligt dran ich siße oder
stande. Man koufft doch ein fisch vnanglä-
hen wie er lige. Vermeint es wäre an dem nüt
glägen/ wie ein mensch/ den man kouffen wel-
te/ stünde oder säße: diewyl er wäder sitzlin-
gen noch ständlingen redte. Er sagt ouch/
es nâme in wunder / das die menschen so säl-
zamer vnd wunderbarlicher wyß mit iren sa-
chen vmbgiengind. Namlich: Wenn einer
ein hafenteeckel kouffen wolte/ schlüge er vorhin mit einem finger dran/
zu versüchen am ton/ ob er ganz / gütter ma-
tery vnd wol gebrennt wäre oder nit. Weñ
aber einer ein menschen kouffen wolte / so be-
sähe er in allein / so er in doch vñ der red bas/
dann vom anschouwen erkennen möchte.
Dann wie man by dem thon ein gschirr/ also
mag man ouch by der red ein menschen wie er
syge/ erkennen. Hie zwüschend gaadt ein
philosophus mit nammen Xeniaades von Co-
rintho bürtig für sy hin / der was kostlich be-
kleidet. Vnd als Diogenes den ersach/sagt
er dem der in verkouffen solt: Gib mich dem
man der da für gaadt zekouffen/ dann ich sich
in an das er eins herren nodttruffig ist. Der
in

in fa
könn
die in
den
verw
get D
rumb
nes re
das er
und er
aber/ de
gewalt
herren
ren/ vn
er sagt
das du
vfrich
sol ob
vnder
des in
gab im
and ein
bewas
sagen/
rumb
knäch

in feil hatt sprach: Was sol ich sagen das du
könnest? Diogenes sprach: sag jm ich könne
die jungen kind meisteren. Xeniaades aber/ vff
den er vor zeiget/ vnd gern zum herren gehebt/
verwunderet sich ab disem vfruff/ vnnnd fra-
get Diogenem ob er die kunst/ deren er sich be-
rumbt vnd vstthon hette/wol könnte. Dioge-
nes redt nitt vil/ der philosophus marck bald
das er ein gleerter vnd wyser man was/ dar-
umb er in ouch on verzug koufft. Diogenes
aber/der yezdan verkoufft vnnnd in Xeniaadis
gewalt kommen was/ staltt sich gegen sinem
herren nitt anderest/ dann als ob er den her-
ren/vnnnd nit der herr in erkoufft hätte: dann
er sagt zu sinem herren dem Xeniaadi: Lüg
das du alles was ich dich heissen wird/ slyssig
vfrichdest. Xeniaades sprach: gelt das wasser
sol obsich louffen? Vermeint/ es gienge das
vnder obsich/wenn sich ein knächt vnderstün-
de sinen herren zemeisteren. Diogenes aber
gab jm den bscheid: wenn du franck wärest/
and ein arzet gedinget hättest/ der dir fürschi-
be was du thun soltest/ du würdest nitt zu jm
sagen/ das wasser wolte obsich louffen. Da-
rumb wenn ein herr der franck ist/ einem
knächt der der arshny bericht ist/ volget: wie
vil

vñ mer sol dann ein herz der an dem gmüt ett-
was mangels vñ blödigkeit hatt/einē knächte
der der philosophy berichte ist/volgen? Dann
was die arzny dē lyb güts bringet / das bringet
ouch die philosophy dem gmüt vñnd herzen.
Die arzny vertribt das feber/aber die philo-
sophy die bösen begirden. So fer aber das
gmüt über den lyb ist/aso wyt sind des gmüts
franchheitē über alle franchheiten des lybs.
Darumb wir vns in des gmüts franchheiten
dester lieber söllend lassen rhaaten. Soliche
wort Diogenis habend gemaldtē Xenidem
nit allein nitt zū zorn vñnd vnwillen / sonder
ouch zū grosser liebe vñnd gütē willen gegen
Diogene bewegt/ also das er in mitt im heim-
gen Corinthum gfürt/vñnd daseselbst sine kindē
zū einem zuchtmeister geben hatt. Dises
ampt hatt Diogenes gütiglich angnommē
vñnd mit höchstem slyß vñnd trüwē vñgricht.
Dann erstlich hat er sy die fryē künst gleert/
vñnd demnach als sy bas erwachsen / vñnd zū
mannlicheren übungē krefftig gnüg worden/
hatt er sy gleert ryten/ mit dem bogē schiessen/
mit der schlingen wärffen/ vñnd andere der zyt
gwonnliche übungen. In der übung aber/
vñnd sonders wenn sy fächten söltend / ließ er
sy

sy mit
der al
ckers
mit sy
lich er
vñnd an
cheren.
vñwen
dester b
verfür
schreibe
ner büc
vñnd bef
im ouch
djer vñ
hiedt.
vatter v
tind. E
sps/vñ
trunck v
hüßschs
mer an
jünglin
dlüt solē
anhabē
wordt v

sy mit schwärer arbeyt nitt übertryben / son-
der allein / so fer es der gsundtheit annd stár-
cke jrs lybs dienstlich was / übē. Hieby / da-
mit sy von der leer nit zuil gnommē wurdind /
ließ er sy vß den poeten / gschichtschryberen /
vnd anderē geleerten lüten gschrifften vnd bü-
cheren / was sins bedunckens das best was /
vßwendig lernē. Vnnd damit sy alle ding
dester baß begryffen vnnd behaltē möchtind /
verfürheret er / das ander lüt wylouffig be-
schriben hattend. Er gab jnē ouch etliche si-
ner bücheren vß denē sy das best vssen lernen
vnd behalten müßtend. Dan er meint / (als
jm ouch ist) das kōnte einer eigentlich vñ rechte
d̄s er vßen gelernet / vñ in frischer dächtnnß be-
hielte. Dise knaben vnderweisz er ouch wie sy
vatter vñ müter in eere habē / vñ jnē dienen sol-
tind. Er ließ jnē kein wyn / gab jn ouch nit zuil
spysz / vñ die selb schlächtlart sy an eim wasser
trunck vergüt habē. Vñ so ander lüt jrē kindē
hübschs langhs haar züchtetē / damit sy dester
mer ansehens by der welt hettind / hieß er disen
jünglingē jres abscherē: vñ so er sy herfür vñ
dlüt solt fürē / müßtē sy wed roek noch schüch
anhabē / gar vngrüst hār für gon / vnd nit ein
wordt reden. Er fürt sy ouch mitt jm vff das
gjägt /

gjägt / wie er dann vor zyten in Sparta gsä-
hen / das die Lacedemonier ire sön vff dem
gjägt übend. Diewyl nun Diogenes sinem
herren / desse er lybeigen worden was / so trüw-
lich dienet / sine kind slyssiglich lart / so wol vf
erzoch / gab die natur in kindenn ein güt herz
zü jm / also das sy in nit allein vor ougen hiel-
tend / als jren zuchtmeister / sond' ouch nit min-
der liebend / deñ wäre er jr vatter oder vö blüt
nach verwandter fründ gwäsen. Deshalb sy
die kind / Diogenem allwäg gegen jrem vat-
ter rümbtend / vnnd in badtend er wölte Dio-
geni das best thün. Summa / Diogenes
hielt sich in dem vnd anderem by vil gemäld-
ten Xeniaade so wol / das Xeniaades von fröu-
den im huß vf vnnd nider lüff / vnnd sprach:
Es ist ein güter Engel in min huß kommen.
So was Diogenes ouch nitt vngern by jm /
vnangsähen das er vmb sin fryheit kommen
was. Dann den selben vnfal konnt er glych
als dultigklich vff sich nämen / als er vor an-
ders tragen hatt. Deshalb sin herr nit sorgen
müßt / das er / wie vil knächt oder lybeigen lüt
zethün gwon sind / von jm lüffe. Biewol er
Platoni vff ein zyt / als jm d' selb sin vnslätig
läbe vffhüb / vnd in daruñ ein hund schalt / die
antwort

antwort gab: er wäre frylich ein hund / dann
er zu denen die in verkoufft hattend wider ge-
lossen wäre. Welches mer ein ableinung vnd
gütige vñflegung der schmaachred Platonis/
dann ein bekandtnuß einer flucht gewäsen ist.
Dann wo er vngern by Xeniate gewäsen we-
re/ hette er doch wol von jm kommen/vnd wi-
der fry werden mögen. Das er aber nie ge-
wellen hat. Dann als in sine fründ mit gelt
lösen / vnd Xeniadi abkouffen woltend / da-
mit er wider fry wurde / sprach er: Ir sind nit
wisig: wüßend ir nit / das die löuwen nit de-
nen dienend/ deren sy sind/ sonder sy müßend
jnen dienen. Meint einer der diente/der müß-
te jm fürchten. So furchtind die löuwen ire
herren nit/ sonder die herren furchtind sy. Al-
so stünde es sinenthalt ouch. Dann wie er
anfangs zum Xeniadi gesprochen: er solte lü-
gen / das er thete was er in heissen wurde / also
ist es hernach waar worden. Dann ye Dio-
genes herz vnd meister im huf was. Darzu
hat er ouch by menglichem zu Corintho ein-
fölich ansähen überkommen / das in Xenia-
des mit feinen eeren vñnd fügen hette können
füßen/ verachten / ald vnerbarlich haltenn.
Dann vil lüt zu jm zuhuf kamend / die sin leer

J

gern hortend / als Phocion mit dem zünantien
Bonus / vñ einer der hieß Stilpo / was vñ der
statt Megaris bürtig / vñ ander herrlich bur-
gerlich mannē / derē zū Corintho / on alle zwý-
fel nit wenig warē. Dañ Corinthus (als die
in einer enge zwüschend zwey meerē mit einē
herrlichen schlossz / daruß man vff beide meer
sehē mag / crbuwē / vñ ein so wytberümbte statt
gewāsen ist / dz sy der Cicero ein fürnemmer herr-
licher / wolberedter Römer sagt sy wāre ein
licht oder glans des ganzē Griechen lands)
allerley lüten überuß vil hatt. Deshalb kein
wunder ist dz darunder vil herrlicher lütē ge-
wāsen sind / vñ das Diogenes diewyl er des-
halb sin leer wol hat mögen vßspreiten vñ für-
bringen / gern da gewāsen ist.

Das fünfft Cap.

Wie er gestorben vñnd begraben syge.

Diewyl Diogenes den vnfaal si-
ner lybeigenschafft aller gestalt /
wie hievor gnügsamlich anzeige
vff sich gnommen / vñ mit höchster
gedult trage / ouch nit gwöllē / dz in sine fründ
mit



mit gelt abkouffend vñ loftind / ist er wie Eubulus in sinē büch das er vō dem / wie Diogenes vff der gañt verkoufft sye / geschribē hatt / heiter vñ klar anzeigt / by Xeniae sinē ersten herrē / bis in sin end belibē. Vñ als er garnach vff die nūnsig jar sins alters kommen / ist er blōds vñ schwachs lybs wordē. Deshalb Xeniaes sin herr / weñ er sach das er so fräck vñ blōd w3 / in etwan fraget / wie er wölte oder begärte / dz man in vergrübe. Dem gab er zantz wort: Man sol mich vffs angesicht legē. Xeniaes sprach: warum dz? Darum (sprach Diogenes) das ich sich das es darzu kommen wil / dz was yez vnden ist / bald oben syn wirt. Das

J ij

redt er vff die Macedonier / die bißhar ein
schlächet vnachtbar volck gewäsen / vñ yes in
träffenliche vfgang warend. Solte es nun in
allen dingē also zügen / d̄z das hoch nider / vñ
das nider hoch werde: desglych das yes vnden
lege / bald obē ligē müßte / so wurde frylich ein
yeder todter lichnā / der yes am ruggē lege / vff
das angficht kōmē / vñ der vff dē angficht le-
ge / vff sin ruggen vmbkeert werde. Wiewol er
villycht ouch d̄z hat wöllē anzeigen / es sye we-
nig an dē gelege wie ein todter lichnā ins grab
gelegt werde. Dañ sonst vil abergloubens by
den heiden / die kein gloubē habend / mit der be-
grebnuß gbrucht wirt. Als weñ man ein tod-
ten vstrüg zur begrebt / müßt mā jm die füß ge-
gen dē thor oder d̄ porten keeren / dēnach ouch
stendlingen verbrenen. Es habend ouch noch
hütt by tag die Juden ein anderen bruch denn
die Christē. Zletst ist er in ein tödliche franck-
heit gefallen / vñ ein zyt lang gar zbet glägenn.
Vñ als er eins mals vñ dē schlaaff erwachet /
vō arzet gfraget ward / wie es stünde. Sprach
er wol / der brüder halset od̄ vmbfacht den brü-
der. Redt vff die wort Homeri des poetē / wel-
cher sagt / das der schlaff des todts brüder si-
ge. Welches dañ nach aller wysen sag / waar ist:
dañ

dañ w3 ist der schlaff anders/ dañ ein äbēbild
des todts? Denach aber sine fründ sachend/ d3
es v3 vñ in sin wolt/ vñ jm sins schlaffs brüd
der tod / ye lenger ye mer nahet/ badiēd sy in er
welte doch jnen in einē ernst anzeigē / wie er be
gärte das mā in begrabē solte. Zū denē sagt er:
Weñ ich gstirb so bedörffend jr den lyb nüt zū
begrabē/ werffend in nun hin vñ lassend in al
so vnuergrabē ligen. Sy sprachend: wie das?
die vogel vñ wildē thier wurdid dich doch frās
sen. Nein (sagt er) nüt mer dañ legēd mir ein ste
cken zū/ so wil ich jnē wol wecrē. Sy sprachēd
wider: Du wirst doch jres byssens vñ frāssens
nüt empfinden / wie woltests den abtrybē kön
nen? Ec (sprach er) wenn ich sin dann nüt em
pfind vnnd es mir nüt weethāt / so wirt es mir
ouch nüt schade. Vermeint/ Diogenes wäre
ein gsell d' dē wāsen nüt nachfragte. Es sagēd
ouch ettlich er habe die sinen gheissen/ das weñ
er gsterb sollend sy in in Jlistum den fluss werf
en/ damit er sinē brüderē zteil werde. Dargegē
sagend and' er habe die sinē gheissen/ sy sollind
in gar vnuergrabē/ wie ouch zū teil hieuor an
zeigt/ ligē lassen/ damit er allē thierē zteil wer
de. Zletst hat er denoch so vil d' bgrebnuß halb
den sinē verwilget / d3 wöllind sy in ye vergra

ben/ so sollind sy nit mer dan ein grubē od' ein
loch machē/ in daryn legen/ vñ ein wenig kade
darüber werffen. Glich darnach/ als Deme-
trius schrybt/ ist er an dē tag zū Corintho ver-
scheidē/ wie d' groß Alleräder in Babylone ge-
storben ist. Wie er aber gestorbē sye/ daruō sind
vil vñ mengerley sage. Die erstē sagend: er ha-
be ein rindsfuß also row in sich frassen/ dahar
jm die kräckheit/ die mā neüt Cholerā/ ankon
sye/ also d' jm die gall über d' herz geloffen vñ
d' er sich (mit vrlob) erbrächē/ vuch zletst an di-
ser kräckheit sterbē müssen. Die anderē sagēd:
er habe jm selbs den aathē so lāg gstellē vñ ver-
haltē/ bis er erstickt sye. Diser meinūg ist Cer-
eidias ein poet vsf Creta/ gwāsen: wie dan er in
einē siner būcherē d' gschribē hat. Die dritten
sagend: er habe ein fisch/ den mā neüt polypū/
den hundē vsteilē wöllē/ vñ in dem selbē habe
jm d' hunden einer die ader/ so vō d' knūwbūge
hinab an dser sinen gadt/ abbitzen: darab syge
er nit vnlāg darnach gestorben. Doch schrybt
Antisthenes/ die jm etwas verwaüt/ vñ ganz
gheim gwesen sigind/ habind all ein heliglich
glagt/ d' er jm selbs den aathē verhaltē vñ sich
also selbs vñbracht vñ crōdt habe. Dan als
sine jūnger vñ andere die gwonlich zū jm gan-
gen

gen sind / in Craniū (ein schul vor d' statt Co-
zintho gelegē / also genaūt) koimē / vñ in hören
wollen / si ge er in sinē mantel verwicklet da ge
legē. Vñ diewyl sy dan wol gewüßt / dz er dem
schlaff gar nit ergebē gwāsen / habend sy ouch
nit gloubt dz er schlaffe / vñ deshalb den mätel
ab jm gnoimē / zesehē wie es vñ in stünde / do
sye er tod gwāsen. Es sye ouch jnen d' argwon
yngfallē / er habe sich wie obstadt / selbs vmb=
bracht. Nach dē aber Diogenes also tod fun=
den / habend sine jünger ein rhatschlag ghebt /
wie sy in begrabē / vñ eerlich gnüg bestattē wöl
tind. Diewyl aber ein yed' den anderē in dē sel
ben übertrāffen wolt / sind sy darob so vneins
wordē / dz zū besorgē / wo jrer etlicher vätter vñ
verwandte nitt by güter zyt / zū sölicher zwy=
tracht vnd empörung koimē / hette on zwyfel
grössers übel daruß mögē erwachsen. Doch
sind die elterē so vil bscheidner gwāsen / das sy
die zwytracht gstillt vnd inē allen in d' begreb
nuß Diogenis d' maß gholffen / das er mit alle
eeren / wie des lands bruch wz / ist bestattet wor
den. Dan sy jm by d' portē zū deren mā vfgadt
gegen d' enge / die zwüsched beydē meerē ist vor
der Statt Corintho begraben habend. Sy ha
bend jm ouch ein schöne steinine sul über sin
grab

782

1-



grab vſgricht / vñ ein bildnuß eins hunds von
ein koſtliche ſtein houwē / vñ daruf ſezē laſſē.
Es iſt auch jm zū eerē ein ſul an einem ort vſ-
gricht worden / an dero alſo geſchriben ſtadt:

Wen Diogenes da ſag von
Wied ſigēſt vmb din läben kon.

Erbiſſen hatt ein böſer hund

Mich / yeß haſt du den rechten grund.

Denach habend jm ouch ſine burger erin ſül
zū eeren vſgericht / vñ daryn ſchryben laſſen:

Wiewol das Erß die zyt ſchlyſt hin

So wirdt doch din eer ewig ſyn.

Duſſi dasd allein dwelt wol haſt gleert

Vnd zū ein rechten läben bfeert.

Diogenes hatt ouch vil güter bücheren die er
ſelbs gemacht hinder jm verlaſſen: als vō der
tugēd / vom güten / vō tod / vñ andere vil vnder

denen ouch ſiner epiften od ſendbrief-

ſen noch vil vorhanden / vñ im

Truck vſgangen ſind.

